


243

8519

ԽՐԻՄԵԱՆ ԳԻՒՂԱՏՆՏԵՍԱԿԱՆ ՄԱՏԵՆԱՇԱՐ

ՉԻՆԱԿԱՆ ԼՈՒԲԻԱՅԻ ՄՇԱԿՈՒԹԻՒՆ

2



Գրեց

ՍԵՊՈՒՅ ՍՏԵՓԱՆԵԱՆ

635

U-88

Քրիստոսը հողուն եւ հողն արեւուն՝
Կ'իսայ իր օրհնեցի Աստուած անահուն :

ԳԵՂԱՍ ՏԷՐ ԿԱՐԱՊԵՏԵԱՆ
(Տարօնի Տարօնի)




Սկիզբէն ի վեր Հայը եղած է քաջամարտիկ զինուոր ,
որովհետեւ եղած է քաջ մեռի : Իր ուժը առած է հողէն
եւ հողին ուժը անպարտելի է :

Հայը այն վսեմ հաւատքը ունի թէ՛ քաջերու սահման-
ները , ո՛չ միայն իրենց զենքերն են , այլ նաեւ իրենց
արօրները , որոնց շնորհիւ ներոյժ մեղիւրեան ենթակայ
արեւը , անառիկ բերդեր կը կազմեն Հայրենիքին :

Հայուն խորհրդապատկերը կրնանք գծել այսպէս :
Հրացան ուսընդանուր եւ սուր ի ձեռին , յառաջ կը մղէ
իր ինքնաւարտ արօրը՝ աչքերը յառած սահմաններուն :

ՀԱՅ ԳԻՒՂԱՏՆՏԵՍԱԿԱՆՆԵՐ

635
Ս-88



ԽՐԻՍՏԵԱՆ ԳԻՒՂԱՏՆՏԵՍԱԿԱՆ ՄԱՏԵՆԱՇԱՐ


ՉԻՆԱԿԱՆ ԼՈՒԲԻԱՅԻ ՄՇԱԿՈՒԹԻՒՆ



Գրեց

ՍԵՊՈՒՅ ՄՏԵՓԱՆԵԱՆ

2011



1. — ԳԵՏՆԱՊԻՍԱԿԻ ՄՇԱԿՈՒԹԻՒՆ
2. — ԶԻՆԱԿԱՆ ԼՈՒԲԻԱՅԻ ՄՇԱԿՈՒԹԻՒՆ
3. — ԱՆՈՒՇ ՓԱԹԱԹԵՍԻ ՄՇԱԿՈՒԹԻՒՆ (Հրատարակելի)
4. — ԳԵՏՆԱՏԱՆՁԻ ՄՇԱԿՈՒԹԻՒՆ " "
5. — ՇՐԱՇԱԳՈՐԾ ԲԱԿՏԵՐԻԱՆ " "
6. — ԱՆԿՈՐԱԿԱՆ ԹԻՖԹԻԿԻ ԱՅՍԸ " "

(Ետ)



14990 / 39

74884-ա

ԹԻԻ 2 ԱՂԵՔՍԱՆԴՐԻԱ ՅՈՒԼԻՍ 1931

1231-85

Տպագր. Ա. ԳԱՍԱՊԵԱՆ

2002

ԶԻՆԱԿԱՆ ԼՈՒԲԻԱՅԻ ՄՇԱԿՈՒԹԻՒՆ

ՍԵՊՏԵՄԲԵՐ 20 1931

ՊԱՏՄԱԿԱՆ ՆՈՐԵՐ

Զինական լուբիան (Glycine) կամ սոյան (Soja max) (Պատկեր 1) տարեկան արժեքաւոր բակլազգի մըն է, որուն բնավայրն է հա-
րաւ արեւելեան Ասիան։ Իր վայրի բոյը բարակ ծիւրով, փոքր
փեճեկներով և փոքր ու սեւ հունտերով կը գտնուի Զինաստանի,
Մանչուրիոյ և Քորէայի մէջ։ Զինական հին գրականութեան մէջ

չինական լուբիայի մշակու-
թիւնն ու գործածութիւն-
ները նկարագրուած են։
Ամենահին ժամանակներէ
ի վեր կը մշակուի Զինաս-
տանի և Ճաբոնի մէջ։ Այ-
սօր ալ, յիշեալ երկիրներու
մէջ, ամենամեծ կարեւո-
րութիւն ունեցող յարգի
մշակութիւն մըն է։ 1908էն
առաջ, չինական լուբիա-
յին առեւտուրը մասնաւո-
րաբար Զինաստանի, Ման-
չուրիոյ և Ճաբոնի սեփա-
կանութիւնն էր։ Այդ թուա-
կանէն առկին չինական լու-
բիային արժեքը և իր ար-
տադրոյքը աստիճանաբար
ուրիշ երկիրներու մէջ ալ
ճանչցուած և թէ վերջին

տասնամեակին աշխարհի առեւտուրին մէջ մեծարժէք կարեւորու-
թեան մը յանգած են։ Ներկայիս չինական լուբիան կը մշակուի
գլխաւորաբար Զինաստանի, Մանչուրիոյ, Քորէայի և Միացեալ
Նահանգներու մէջ։ Առաւել կամ նուազ կարեւորութեամբ կը մշա-
կուի նաև Հիւսիսային Հնդկաստանի, Հնդկաստանի և Մալայեան կղզի-
ներու մէջ։ Զինական լուբիան կ'աճի նաև Իտալիոյ, Ֆրանսայի,
Հարաւային Ռուսիոյ, Հունգարիոյ, Համպի, Եգիպտոսի, Հարաւա-
յին Աֆրիկէի և Հարաւային Ամերիկայի մի քանի երկիրներուն
մէջ, բայց իր տարածութիւնը շատ սահմանափակ է յիշեալ երկիր-



Պատկեր 1. — Զինական լուբիայի
սունկ մը։

ներուն մէջ։ Չինական լուբիան, հակառակ անոր որ 1804ին մտած է Միացեալ Նահանգները, բայց 1890էն սաղին է որ ընդհանուրին ուշադրութեան առարկայ դարձած է։ Վերջին տարիներ մանաւանդ մեծ կարեւորութիւն ստացած է և Միացեալ Նահանգներու երկրագործութեան համար մեծ ապագայ խոստացող մշակութիւն մըն է։ Միացեալ Նահանգներու մէջ, մինչ 1917էն առաջ 500,000 ամերիկեան լծվար (էյֆըր) չինական լուբիա կը մշակուէր, 1924ին, այդ տարածութիւնը բարձրացած է 2,500,000 լծվարի։ Յիշեալ տարածութեան 1,000,000ը անասուններու իբր չոր խոտ կը ծառայէ, 932,000ը նմանապէս անասուններու համար իբրև արօտատեղի և գութերու մէջ ձմեռուան պաշարի համար կը գործածուի և 613,000ը հունտի արտադրութեան կը յատկացուի։ 1924ին, 10,000,000 ամերիկեան գրիւէ (պուլեր) աւելի չինական լուբիայի հունտ և 1,360,000 կենդինար (թօն) չինական լուբիայի խոտ արտադրուած է։ Միացեալ Նահանգներու 1930 տարւոյ չինական լուբիայի — բացի չոր խոտէ — արտադրութեան ամբողջական արժէքը 33 միլիոն տոլարէ աւելի է։ Այս տունկին Միացեալ Նահանգներու մէջ էն շատ մշակուած վայրը եգիպտացորենի գօտին է։ Եգիպտացորեն հասած տեղը, շատ լաւ կը հասնի նաև չինական լուբիան։

Երկրագործական աշխարհին մէջ, այս բոյսը իր հունտի առատ արտադրութեամբ, իր խոտին լաւագոյն յատկութիւններով, իր բերքին դիւրին աճումով և քաղով մնասակար միջատներէ և բուսային հիւանդութիւններէ զերծ ըլլալով և իր հունտէն իւղի և իւղային մայծի արտադրութեան և իբրև մարդկային սնունդի գործածութեան կարելիութիւններով մեծ ապագայ կը խոստանայ։

Իր հունտը՝ իւղային և նշային բաղադրութիւններով, սննդական և ճարտարարուեստական մեծ արժէք մը կը ներկայացնէ, օժտուած բազմազան գործածութիւններով։ Մասնագէտներ կը հաւաստեն թէ՛ մարդուն և անասունին սննդաութեան համար չինական լուբիան էն կատարեալ տունկն է։ Նոյնիսկ խանդավառ զուարճախօս մը՝ երգիծական քերթուածի ձեւին տակ ըսած է թէ՛ ընկերային խնդրոյն լուծումը, չինական լուբիայի մշակութեան ընդհանացումէն կախում ունի։ Անիկա կ'ըսէր թէ՛ աշխարհիս մէջ ներկայիս մշակուած տարածութեան եթէ մէկ տասներորդը յատկացուէր չինական լուբիայի մշակութեան, բոլոր մարդկութեան կրնար բաւել լիովին։ Այս մշակութիւնը, կ'ըսէր նաև անիկա, միացած պանանի մշակութեան և անասնաբուծութեան, իւրաքանչիւր անհատի օրական մի ժամեայ աշխատանքովը, պիտի բաւէր մարդկութիւնը ապրեցընելու տեսակ մը երկրային դրամտին մէջ։ Այս բոլորը բացորոշ կերպով կը ցուցնեն չինական լուբիային տնտեսական մեծ արժէքը։

Ի Ր Կ Լ Ի Մ Ա Ն

Եգիպտացորեն հասած տեղը, կը հասնի նաև չինական լուբիան։ Միացեալ Նահանգներու Բամպակի Գօտիին հիւսիսային և Եգիպտացորենի Գօտիին հարաւային մասերուն շատ լաւ յարմարած է, ուր իր աւելի խոշոր և աւելի յամրահաս և արգիւնաշատ եղող տեսակները կ'աճին։ Աւելի հիւսիսային մասերուն մէջ վաղահաս տեսակները՝ հատի, իսկ յամրահաս տեսակները՝ խոտի լաւ բերք կուտան։ Քալիֆօրնիոյ պէս տաք Նահանգներու մէջ, լուբիայի հատէն աւելի, անասունի պատուական կեր կ'արտագրէ։

Չինական լուբիան լաւ բուսնելէ հոքը, երաշտութեան կարճ շրջանի մը կընայ դիմանալ և թէ անձրեւային եղանակ մը ո'չ աճումը կը կեցնէ և ո'չ ալ բերքը կը պակսեցնէ։ Չինական լուբիան ոչ միայն հողերուն այլ կլիմաներուն լաւ յարմարելու յատկութիւնը ունի։ Իր ծլումի շրջանը էն տաքնապալի տեսնէ։ Հափազանց խոնավութիւնը կամ երկարատեւ երաշտութիւնը բացարձակապէս մնասակար են իրեն։ Յուրտէ այնքան չի վախճար։

Ի Ր Հ Ո Ղ Ը

Թէև ամէն հողի կը յարմարի, բայց բարեբեր կրակաւային կամ աւազա-կաւային հողերու մէջ լաւագոյն արգիւնքները ձեռք կը ձգուին։ Ընդհանուր կերպով խօսելով, եգիպտացորենը հողային ինչ պահանջ որ ունի, չինական լուբիան ալ գրեթէ նոյն պահանջը ունի, սա առաւելութեամբ որ, նուազ բարեբեր հողերու մէջ, չինական լուբիան եգիպտացորենէ աւելի կը յաջողի, պայմանաւ որ հողը բակտերիաներով պատուաստուած ըլլայ։ Աղքատ հողերու արգիւնքը տկար կ'ըլլայ։ Խիստ կաւային կամ աւազային հողերու մէջ, կովուտը (cowpea, որուն լատիններէն է Vigna Sinensis) չինական լուբիայէն աւելի լաւ կը յաջողի։ Չինական լուբիան, նուազ բարեբեր կամ թթու հողերու մէջ, երեքնուկէ կամ առուոյտէ աւելի լաւ կը հասնի, բայց նման հողերու մէջ լաւագոյն արգիւնք ձեռք ձգելու համար, թթու հողերը պէտք է կիրով խառնուին և աղքատ հողերն ալ քիմիական պարարտներով պարարուին։ Պատուաստումով և քիմիական պարարտներու հափաւոր կիրարկումով, չինական լուբիան աւազուտ հողերու մէջ ալ լաւ արգիւնք կուտայ։

Չինական լուբիան, որքան որ լաւ ուրդուած հողերու պէտքը չի գգար, բայց այն տեղեր ուր ջուրը երկար ժամանակ կը մնայ հողին մակերեւոյթին վրայ, հոն չի հասնիր։ Ուրդուած մօրուտ տեղերու մէջ լաւ բերք կուտայ, պայմանաւ որ եթէ հողը թթու

է, կիրով բարելաւուի: Թրիքախառն հողերու մէջ թէ՛ հատի և թէ՛ խոտի բերքերը սքանչելի կ'ըլլան:

Ի Ր Տ Ե Ս Ա Կ Ն Ե Ր Ը

Զինական լուբիայի տեսակներու ընտրութեան մէջ, նկատի առնուելիք կարգ մը կէտեր կան: Ասոնց մէջ կարեւորագոյնները՝ տեսակներուն տեղական, հողային և կլիմայական պայմաններուն յարմարումը և բերքին ինչ նպատակով մշակուած ըլլալու առաջադրութիւնն է: Զինական լուբիան շատ տեսակներ ունի, բայց այս տեսակներու բազմութեան մէջ, ըլլայ հունտի, ըլլայ խոտի արտադրութեան համար, առաւելագոյն փափաքելի յատկութիւնները նկատի առնուելու են: Ըլլայ հունտի, ըլլայ խոտի բերքերուն համար էն կարեւոր խնդիրները հասունութիւն, աճման ունակութիւն, իր տերեւները չի թափելու կարողութիւն, դիմացկանութիւն, հատերուն գոյնն ու չափը և հիւսնդութիւններու դէմ դիմադրութիւն: Այն տեղեր ուր բերքը իւղային արտադրութեան փխտի յատկացուի, հատին գոյնը և իւղի բովանդակութեան հարիւրմասնեայ չափն ալ նկատի առնուելու է: Իւղի և ալիւրի գործարանները դեղին հատերով տեսակները կը նախընտրեն, որովհետեւ անոնք ոչ միայն շատ իւղ կը պարունակեն, այլ անոնց իւղն կամ ալիւրը լաւ տեսք կ'ունենայ:

Զինական լուբիայի բոլոր կարելիութիւնները լիապէս իրականացնելու և անոր մշակութիւնը զարգացնելու համար, լաւագոյն տեսակները ընտրել անհրաժեշտութիւն է: Հրապարակը լեցուն է բազմաթիւ տեսակներով, որոնց մէջէն առեւտրական արժէք ներկայացնողները ընտրելու է: Մինչ Միացեալ Նահանգներու մէջ բերքային ազնուացման ընկերութիւններ, տեսակներու ընտրութեան մէջ կ'առաջնորդեն երկրագործները, մեր մէջ առ այժմ կառավարութիւնն է որ պիտի կատարէ այդ պաշտօնը:

Արտասահմանէն ներմուծուած տեսակները խառն ըլլալով, շատ ուշադրութիւն ընելու է: Վերջին 20 տարիներու ընթացքին Զինաստանէն, Մանչուրիայէն, Ճաբոնէն, Քորէայէն, Սիպերիայէն և Հնդկաստանէն փորձի համար հունտի տեւելքան 2000 նմուշներ Միացեալ Նահանգներ ներմուծուած և անոնցմէ մէկ մասին մշակութիւնը ընդհանրացած է: Վաշինկթընի երկրագործական պաշտօնատան կողմէ, վերջերս նոր լաւագոյն տեսակներ ալ ներմուծուած և անոնց ընդհանրացման ձեռնարկուած է:

Այս բոլոր տեսակները մէկիկ մէկիկ նկարագրել շատ երկայն կ'ըլլայ: Տեսակի մը ընտրութեան ժամանակ, յաջողելու լաւագոյն պայմանն է, տեղական պայմաններու յարմարած և ինչ նպատակի համար

մշակուած ըլլալն է: Զինական լուբիան կը մշակեն իր հունտին համար, իբր կանանչ կեր և իբր չոր կեր անասնոց և գուլիերու մէջ պահելու համար: Վաղահաս և կանխահաս տեսակներ ունի: Բոլոր այս նկատումներով կը բաժնենք զանոնք հինգ մասերու և կը թուենք իրենց անունները:

1. Միջին վաղահաս, վաղահաս և շատ վաղահաս տեսակներ, որոնք 130 և աւելի օր աճման չըլան մը ունին և կը մշակուին հունտի, կանանչ խոտի, չոր խոտի և գուլիերու մէջ իբր ձմրան պաշար պահելու համար:

Հունտի տեսակներն են՝ Պիլօքսի (Biloxi), Զիքիթա (Chiquita), Տիքսի (Dixie), Հօլլիպրուք (Hollybrook), Մէմբրօ Եէլլօ (Mammoth Yellow), Սըտհէրն Փրոլիֆիք (Southern Prolific) և Թօքիօ (Tokyo): Զոր խոտի տեսակներն են՝ Պարչէթ (Barchet), Զիքիթա (Chiquita), Կօշէն Փրոլիֆիք (Goshen Prolific), Լարէտօ (Laredo), Օլտ Տօմինիըն (Old Dominion), Օթութան (Otootan) և Վիրճինիա (Virginia):

Կանանչ խոտի համար՝ Տիքսի (Dixie), Իզիքուք (Easycok), Հէնթօ (Hahto), Հօլլիպրուք (Hollybrook), Մէմբրօ Պրաուն (Mammoth Brown), Մէմբրօ Եէլլօ (Mammoth Yellow), Սըտհէրն Փրոլիֆիք, Թարհիլ Պլէյք (Tarhul Black) և Թօքիօ:

Գուլիի համար՝ Պիլօքսի, Մէմբրօ Պրաուն, Մէմբրօ Եէլլօ, Թարհիլ Պլէյք և Թօքիօ:

2. Վաղահաս, միջին վաղահաս և միջին տեսակներ, որոնք 120—140 օր աճումի տեւողութիւն ունին և իրենց մէջ կը պարունակեն հունտի, չոր խոտի, կանանչ խոտի և գուլիի տեսակներ:

Հունտի տեսակներն են՝ Զիքիթա, Տիքսի, Իզիքուք, Հապըրլէնտդ (Haberlandt), Հէնթօ, Հէրման (Herman), Հօլլիպրուք, Մէմբրօ Եէլլօ, Սըտհէրն Փրոլիֆիք, Թօքիօ և Եօքօթօն (Yokoton):

Զոր խոտի տեսակներն են՝ Պարչէթ, Զիքիթա, Կօշէն Փրոլիֆիք, Հէրման, Լարէտօ, Օլտ Տօմինիըն, Օթութան, Վիրճինիա և Ուիլսըն Ֆայվ (Wilson-Five):

Կանանչ խոտի տեսակներն են՝ Տիքսի, Իզիքուք, Հապըրլէնտդ, Հէնթօ, Հօլլիպրուք, Մէմբրօ Պրաուն, Մէմբրօ Եէլլօ, Սըտհէրն Փրոլիֆիք, Թօքիօ և Եօքօթօն:

Գուլիի յատուկ տեսակներն են՝ Պիլօքսի, Բօլօմպիա (Columbia), Մէմբրօ Պրաուն, Մէմբրօ Եէլլօ, Թարհիլ Պլէյք, Թօքիօ և Վիրճինիա:

3. 110էն 130 օրուան մէջ հասնող միջին և միջին վաղահաս տեսակներ:

Հունտի տեսակներն են՝ Օսթէն (A. K. Austin), Տընֆիլտ (Dunfield), Իզիքուք, Հապըրլէնտդ, Հէնթօ, Հօնկքօնկ (Hongkong),

Լէքսինկթըն (Lexington), Մանչու (Manchu), Միտուէսթ (Midwest), Միքատո (Mikado), Մորս (Morse) Սըտհըրն Փըլլըֆիք և Եօքթօն:

Չոր խոտի տեսակներն են՝ Արլինկթըն (A. K. Arlongton), Չիքթա, Էպօնի (Ebony), Հէրման, Իլսոյ (Ilsoy), Իլլինի (Illini), Ճէթ (Jet), Լարէտո, Մըրքօ (Merko), Փէքին (Peking), Սութի (Sooty), Վիրճինիա, Վիրլըն և Վիրլըն-Ֆայլ:

Կանանչ խոտի համար՝ Օսթէն, Տիքսի, Հապըրլանտդ, Համիլթըն (Hamilton), Հօնկքօնկ, Լէքսինկթըն, Մանչու, Միտուէսթ, Միքատո, Մորս, Սըտհըրն Փըլլըֆիք և Եօքթօն:

Գուլիի յատուկ տեսակներն են՝ Օսթէն, Բօյօմպիա, Հապըրլանտդ, Համիլթըն, Հօնկքօնկ, Իլզօյ, Իլլինի, Մէմըթհ Պրաուն, Մորս, Փէքին, Թարհիլ Պլէյք և Վիրճինիա:

4. 100էն 120 օր հասնող կանխահաս և միջին կանխահաս տեսակներ, որոնք նմանապէս հունտի, չոր և կանանչ խոտերու և գուլիի համար կը մշակուին:

Հունտի տեսակներն են՝ Աքսէրպըն (Aksarben), Պլէյք Այարօ (Black Eyebrow), Տընֆիլտ, Էլթօն (Elton), Հապարօ (Habaro), Իթօ Սան (Ito San), Մանչու, Մինսօ, Փինփիլ (Pinpu), Սօյսօթօ (Soy-soto), Ուիա (Wea) և Հուայթ Այարօ (White Eyebrow):

Չոր խոտի տեսակներն են՝ Պլէյք Այարօ, Չէրնի (Chernie), Չէսնըթ (Chesnut), Իպոնի, Իլսօ, Իլլինի, Իթօ Սան, Մըրքօ (Merko), Միտուէսթ, Փէքին, Վիրլըն, Վիրլըն-Ֆայլ և Վիրճինիա:

Կանանչ խոտի համար՝ Աքսէրպըն, Պլէյք Այարօ, Տընֆիլտ, Իրլի Պրաուն, Էլթօն, Հապարօ, Համիլթըն, Հօնկքօնկ, Հուզիլըր (Hoosier), Մանչու, Միտուէսթ, Սօյսօթօ և Հուայթ Էյարօ):

Գուլիի յատուկ տեսակներն են՝ Պլէյք Էյարօ, Բօյօմպիա, Տընֆիլտ, Համիլթըն, Մանչու, Մէտիլմ Կրին (Mediam Green), Միտուէսթ, Փէքին և Վիրճինիա:

5. 90էն 100 օրուան մէջ հասնող շատ կանխահաս և կանխահաս տեսակներ, որոնք նմանապէս հունտի, չոր և կանանչ խոտերու և գուլիի յատուկ տեսակներ են:

Հունտի տեսակներն են՝ Աքսէրպըն, Պլէյք Էյարօ, Էլթօն, Հապարօ, Իթօ Սան, Մանտարէն (Mandarin), Մինսօ, Օժմօ (Oje-maw), Սօյսօթօ և Ուիսքօնսէն Պլէյք (Wisconsin Black):

Չոր խոտի համար՝ Պլէյք Էյարօ, Չէրնի, Չէսնըթ, Իրլի Պրաուն, Իթօ Սան, Մըրքօ, Մինսօ, Սօյսօթօ և Ուիսքօնսէն Պլէյք:

Կանանչ խոտի համար՝ Աքսէրպըն, Պլէյք Էյարօ, Տընֆիլտ, Իրլի Պրաուն, Էլթօն, Հապարօ, Հուզիլըր, Իթօ Սան, Մանտարին, Փինփիլ, Ուիա և Ուիսքօնսէն Պլէյք:

Գուլիի համար՝ Պլէյք Էյարօ, Էլթօն, Հապարօ, Իթօ Սան, Մանչու, Մանտարին, Մէտիլմ Կրին և Ուիսքօնսէն Պլէյք:

Ըստ վերի ցուցակին, Միացեալ Նահանգներու մէջ իւրաքանչիւր նահանգին, կլիմայական պայմաններու համեմատ, հունտի, չոր և կանանչ խոտերու և գուլիի յատուկ տեսակները որոշուած են:

Չինական լուբիային ամերիկեան տեսակները վերը ամփոփ կերպով բացատրեցինք:

Իր ծննդավայրին, Չինաստանի մէջ, իր տեսակները հետեւեալ կերպով կը բաժնեն:

1. Իր լուբիային ձեւը հաւկթածեւ ըլլալով, կը բաժնուի հետեւեալ երեք դասակարգերու:

Առաջին՝ դեղին Huang-Tou դասակարգը, որուն գլխաւոր տեսակներն են. Pai-Mai, որուն պորաը ճերմակ է, Chin-Huang կամ Chin-Yuan, որ ոսկեգոյն է և Hei-Chi, որուն պորաը մոխրագոյն է: Այս տեսակները բնասպիտով հարուստ են:

Երկրորդ՝ կանանչ Ching-Tou դասակարգն է, որուն մէկ տեսակը արտաքինապէս կանանչ և ներքինապէս ճերմակ ըլլալով պանրիով (caséine) հարուստ է: Ուրիշ տեսակ մըն ալ ունի, որ թէ՛ ներքին և թէ՛ դուրսէն կանանչ է: Այս դասակարգի տեսակները դեղին դասակարգի տեսակներէն աւելի քիչ ճարպ կը բովանդակեն:

Երրորդ՝ սև Hei կամ Wu-Tou դասակարգն է, որուն մէկ տեսակը՝ To-Wu-Tou, ներսը կանանչ խոշոր սև հատեր ունի: Իր մէկ երկրորդ տեսակը՝ Hsiao-Wu-Tou, ներսը դեղին փոքր սև հատեր ունի: Երրորդ մէկ տեսակը՝ Pien-Wu-Tou, ներսը դեղին պարզ սև հատեր ունի: Այս դասակարգին տեսակները իւղառատ ըլլալով, սնունդի և պահածոյի համար կը գործածուին:

2. Իր լուբիային ձեւը երկու ծայրերը կլոր հաւկթածեւ ըլլալով, փայլուն գոյն մը ունի և հետեւեալ տեսակները կը պարունակէ:

Ճերմակ՝ Pai-Tou, կարմիր՝ Hong-Tou, փոքր կանանչ՝ Lû-Tou, ալանա՝ Hua-Tou, սև՝ Wu-Tou և փայլուն՝ Chih-Tou, որոնց ներսի մասերը դեղին և իւղով աղքատ են:


Այս առթիւ սա ալ ըսենք թէ՛ Սօյան՝ առեւտուրի մէջ, ոչ միայն «Չինական լուբիա» կը կոչուի, այլ նաև «Ճարտնական իւղոտ ոլոռ» և «Մանչուերիական բակլայ» ևս կը կոչեն:

ՉԻՆԱԿԱՆ ԼՈՒԲԻԱՅԻ ՅԱՁՈՂ ԲԵՐՔ ՄԸ

Չինական լուբիայի յաջող բերք մը ունենալու համար, հետեւեալ խնդիրները նկատի առնելու է: Լաւ սերմցու մը: Կլիմային յարմար տեսակներ: Սերմցուին խնամքով պատուաստուած: Հողին լաւագոյն կերպով պատրաստութիւնը: Պատշաճ մշակութիւն: Ժա-

մանակին մարկեղում: Խնայողական քաղ: Իմաստուն օգտագործում: Ուրիշ բերքերու հետ անսխալ փոխցան:

Ու է բերքի մը հնտացուն, չինական լուբիայի հնտացուն չափ խափուսիկ չի կրնար ըլլալ: Պատահաբար լաւ տեսք ունեցող սերմցու մը, լաւ աճում մը չունենար: Ցանքէն առաջ, ծլումի փորձ մը կատարել անհրաժեշտ է: Սերմցուն ցանելէ առաջ, փորձագաշտի տնօրէնութենէն ծլումի վկայագիր մը պահանջելու է:



Պատկեր 2. — Չինական լուբիայի ձեռնագտում

Արագ աճում մը, աճումի եղանակի յարմարութիւն մը, յարմար ժամանակի հասունութիւն մը և առատ բերք փնտռուած յատկութիւններ են: Իր յարզը, առանց կոշա և փայտային ըլլալու, կարծր պէտք է ըլլայ, որպէս զի տունկերը առատ բերքի մը ծանրութեան տակ չի պառկին: Իր յարզը ըլլալու է նաեւ նուրբ և քաղցրահամ:

Տեսակ մը ընտրելէ ետքը, անոր մաքուր ըլլալուն ալ ուշադրութիւն ընելու է: Խառնիխուռն տեսակներուն քաղը դժուար է: Ասկէ զատ առեւտրական նուազ արժէք մը կը ներկայացնեն: Ուշիմ մշակ մը, ձեռքի սովորով մըն ալ, կրնայ կատարել այս մաքրութիւնը: Պատկեր 2:

ՀՈՂԻՆ ՊԱՏՐԱՍՏՈՒԹԻՒՆԸ

Չինական լուբիայի լաւագոյն բերք մը ունենալու միակ միջոցը հողին լաւ պատրաստութեան մէջ կը կայանայ: Եգիպտացորենի մշակութեան համար պատրաստուած հող մը, յարմար է նաեւ

չինական լուբիայի: Հողը աշնան կամ գարնան կանուխէն խորունկ կերպով հերկելու և ցանքէն առաջ ալ, վնասակար խոտերը ոչնչացնելու համար, ցաքանելու է: Չինական լուբիայի հողը, կունտերէ զերծ, սեղմ և լաւ մը փոշիացած ըլլալու է: Մանաւանդ ձեռքով ցանքերու համար, կունտերէ զերծ ըլլալը անհրաժեշտ կը դառնայ: Կանուխէն լաւ հերկուած, լաւ պատրաստուած և տճման եղանակին լաւ և մաքուր կերպով մարկեղուած չինական լուբիայի հողերը, իրենցմէ ետքը ցորենի մշակութեան էն յարմար հողերը կ'ըլլան: Այն պարագային որ չինական լուբիայէ ետքը ցորեն պիտի ցանուի, ուշադրութիւն ընելու է որ, ցորենի ցանքի եղանակէն առաջ, չինական լուբիան, քաղի համար հասած ըլլայ: Իսկ եթէ եգիպտացորենէ ետքը, նոյն հողին վրայ չինական լուբիա պիտի ցանուի, արտը լաւ կերպով մաքրելու է եգիպտացորենի արմատներէ, բուններէ և հատերէ:

Արտն ալ ամէն տեսակ խոռոչներէ և ճեղքերէ զերծ ըլլալու է: Այս կերպով խոնաւութիւնը հաւասար կերպով կը բաժնուի հողի մակերեսին վրայ:

ԻՐ ՊԱՐԱՐՆԵՐԸ


Չինական լուբիան՝ եգիպտացորենի լաւ բերք մը տուող հողին վրայ ցանուած կամ եգիպտացորենի յաջորդած ատեն, առանց պարարի ուղղակի գործածութեան՝ լաւ բերք մը կուտայ: Պարարի գործածութիւնը աւազային հողերու կամ նուազ բերրիութիւն ունեցող հողերու համար յանձնարարելի է:

Նման ուրիշ բակազգիներու, չինական լուբիան ազօթային քիմիական պարարներու պէտք չունի: Օգին ազատ ազօթը իր արմատներուն գնդիկներուն միջոցաւ կ'իւրացնէ: Բայց աղքատ հողերու մէջ, անասունի աղբի, կամ նատրոնի բորակատի, կամ բամպակի հունտի չանչի և կամ ուրիշ ազօթային պարարի մը գործածութիւնը բերքին վրայ օգտակարապէս կ'ազդէ:

Միացեալ Նահանգներու մէջ եղած հետազոտութիւններէն հասկըցուած է որ, լաւագոյն արդիւնքները ձեռք ձգուած են անասունի աղբով, կամ 300 ամերիկեան քաշ սուսփէր ֆոսֆատով և 25էն 50 ամերիկեան քաշ փոթասի միւլիաթով (muriate de potasse) կամ 250 ամերիկեան քաշ փայտի մոխիրով, եթէ փոթաս չի գտնուի: Երբ թէ՛ փայտի մոխիր և թէ՛ փոթաս չի գտնուին, սուսփէր-ֆոսֆատն ալ առանձին լաւ արդիւնք կուտայ: Բիմիական աղբերը ցանքէն առաջ լաւ մը խառնելու է հողին մէջ:

Չինական լուբիան կարմիր երեքնուկի, առուոյտի կամ ուրիշ կարգ մը բերքերու նման կիրի մօլի չէ: Ասով մէկտեղ, կիրի գործածութիւնը, չոր խոտի և հոնտի քանակը, ինչպէս նաեւ պատա-

դիճներուն և հունտի աղօթը կ'աւելցնէ : Կիրը արմատային գնտիկներուն արտադրութիւնը կը գրգռէ , բայց միւս կողմէ հունտերուն իւղի քանակը կը պակսեցնէ : Որքան կիրը շատնայ , նոյն համեմատութեամբ ազօթային նիւթը (փրօքիմ) կը շատնայ , բայց իւղն ալ կը պակսի :




Պատկեր 3. — Գնտիկներու առաս անուր ցուցնող չինական լուբիայի տունկի մը արմատները :

Պ Ա Տ Ո Ւ Ս Ս Տ Ո Ւ Մ

Ուրիշ բակլազգի բոյսերուն նման , չինական լուբիան ալ , իր արմատներուն վրայ գտնուող բակտերիաներու միջոցաւ օդին ա-

զօթը կ'օգտագործէ : Բակտերիաներու ներկայութիւնը բոյսին արմատներու վրայ գոյացած գնտիկներու աճումէն կը հասկցուի : Պատկերներ 3 և 4 : Չինական լուբիայի գնտիկներուն բակտերիաները , ուրիշ ու է բակլազգի բոյս պատուաստելու յարմար է : Նմանապէս ուրիշ բակլազգիներու արմատային գնտիկներու մէջ ալ գտնուած բակտերիաները , չինական լուբիան չեն պատուաստեր : Ասկէ զատ չինական լուբիայի կարգ մը տեսակները , ուրիշ տեսակներէն աւելի , դժուար կը պատուաստուին : Չինական լուբիայի բակտերիայի զանազան շարքեր մեկուսացուած և որոնք չինա-



Պատկեր 4. — Լաւ պատուաստուած չինական լուբիայի տունկի մը արմատները :

կան լուբիայի զանազան տեսակներու վրայ տարբեր ազդեցութիւն ունեցած են :

Չինական լուբիայի չաճման գլխաւոր պատճառներէն մին , առաջին անգամ պատշաճ պատուաստումի մը պակասն է : Եթէ հողի մը մէջ առաջին անգամ չինական լուբիա ցանուի , աճումը կ'ըլլայ անկանոն , մինչև որ պատուաստուի : Պատուաստումի պակասը բոյսին գոյնին դաւկահար կամ դեղնորակ կանանչ ըլլալէն յայտնի կ'ըլլայ : Ատով մէկտեղ , չինական լուբիան , նոյնիսկ առանց բակտերիայի ներկայութեան , հարուստ հողերու մէջ շատ լաւ արդիւնք կրնայ տալ , բայց նման պարագաներու տակ , բոյսը իր ազօթի պէտքին մեծ մասը հողէն կ'առնէ , քան թէ օդէն , երբ պատուաստուած ըլլար :

Ընդարձակ տարածութեան մը վրայ, չինական լուբիա աճող չըջանի մը մէջ, պատուաստումը ինքնիրեն բնական կերպով անդի կ'ունենայ: Նախապէս չինական լուբիա չի մշակուած հողէ մը լաւագոյն արդիւնք ձեռք կարենալ բերելու համար, պատուաստել պէտք է: Պատուաստումը գիւրաւ տեղի կ'ունենայ, եթէ հողը չէզոք կամ կալաքարային յատկութիւն ունենայ: Ասով մէկտեղ, չինական լուբիայի բակտերիան, ուրիշ բակազգիներու բակտերիաներէն աւելի կը յաջողի թթու հողերու մէջ: Երբ հող մը լաւ կերպով պատուաստուած է, այլեւս այդ ուղղութեամբ նոր խնամքի մը պէտք չունի, պայմանաւ որ հողը անգամ մը չինական լուբիա արտադրած ըլլայ: Երբ հողի մը վրայ չինական լուբիայի մշակութիւնը դադրի, 2—3 տարի ետքը բարտերիաները կ'սկսին պակսիլ:

Պատուաստումը կը կատարուի կամ բակտերիայի զուտ մշակութիւններու միջոցաւ և կամ այն արտին հողին միջոցաւ, ուր նախորդ տարի լաւ պատուաստուած չինական լուբիայի տունկեր աճած են: Բակտերիայի մշակութիւնը (ֆիլիքիւր) երկրագործական պաշտօնատան կամ փորձառական կայանի միջոցաւ հունտի ծանօթ վաճառականներէ կը գնուին և, ցանքէն քիչ առաջ, ուղղակի սերմըցուի վրայ կը կիրարկուին: Երբ բակտերիա պարունակող հող գործածուի, մէկ ամերիկեան լծվար տարածութեան վրայ 250 ամերիկեան քաշ պատուաստուած հող սփռելու և յետոյ ցաքանելու է: Թէև այս գրութեամբ լաւ արդիւնքներ ձեռք կը ձգուին, բայց մեծ աշխատանքի կը կարօտի: Ուրիշ մէթոտ մըն ալ կայ, այն է պատուաստումը հողը խառնելով ջուրին հետ, թեթեւ ցելի մը չինել և այս ցելը խառնել սերմըցուին հետ: Մէկ ամերիկեան գրիւ սերմըցուին համար չորս ու կէս լիդր (մէկ կալօն) պատուաստուած հող պէտք է: Ագարակի մը մէկ արտին չինական լուբիան պատուաստուելէ ետքը, այդ արտին հողովը ուրիշ արտեր կրնան պատուաստուիլ: Պատուաստումը բոյսերուն բերքը թէև շատ չաւելնար, բայց իրենք, չի պատուաստուածներէն աւելի պրօսէին կը պարունակեն և հետեւաբար աւելի արժէքաւոր են: Ասկէ զատ, պատուաստումի շնորհիւ բոյսին մէջ մօխիրի բաղադրիչ տարրերը կը պակսին: Պատուաստումը բոյսերուն սերմերը հարիւրին 42,47 պրօսէին և չի պատուաստուածներունը հարիւրին միայն 35,26 պրօսէին կը պարունակեն:


Պատուաստումը ո՛չ խորհրդաւոր և ո՛չ ալ դժուար բան մըն է: Քիմիական առեւտրական աշխատանոցներէ գնուած բակտերիի մշակութիւնները (ֆիլիքիւր), թարմ, փնտասկար բոյսերու հունտերէ և չինական լուբիայի հիւանդութիւններէ զերծ ըլլալու և տրուած պայմաններու համեմատ գործածուելու են: Պատկերներ 5 և 6 սերմըցուններուն պատուաստումը կը ցուցնեն:

ՅԱՆՔԻ ԺԱՄԱՆԱԿԸ

Չինական լուբիան, կլիմային և բերքին գործածութեան համեմատ, գարնան կանուխէն մինչև ամրան մէջերը կրնայ ցանուիլ:

Իր հունտին կամ իր չոր խոտին համար, իր ցանքի լաւագոյն թրւականը, գրեթէ եզրիպտացորեն ցանելու ժամանակն է և կամ գետնին բոլորովին տաքցած ատենն է, որ ժամանակ լաւագոյն ծլուծի մը և աւագ աճման համար պայմանները նպաստաւոր են: Չոր լուբիան ցուրտ, թաց կամ չոր հողի մէջ շատ գէշ կը ծլի և կ'աճի: Կանուխ ցանքերը հասունալու համար, ուշ ցանքերէն աւելի ժամանակի կարօտ են և թէ նոյն տեսակի չինական լուբիայի կանուխ և ուշ ցանքերուն հասունանալուն տարբերութիւնը երեքէն և աւելի շաբաթ է: Ընդհանրապէս եզրիպտացորեն ցանելու թուականէն առաջ, չինական լուբիայի ցանք կատարելու մէջ օգուտ մը չկայ, մասնաւորապէս վաղահաս տեսակներուն համար:

Կանանչ մարգի, իբր կանանչ պարար հողին




Պատկեր 5. — Չինական լուբիայի սերմըցուններուն պատուաստումը՝ տղոց կողմէ:

մէջ թաղելու կամ նոյնիսկ չոր խոտի համար, Միացեալ Նահանգներու Հարաւային մասին մէջ Օգոստոս 1ին և Հիւսիսային մասին մէջ ալ Յուլիս 1ին կը ցանեն:

ՅԱՆՔԻ ՄԷԹՈՏՆԵՐ

Զինական լուբիան ցանելու զանազան մէթոտներ կան: Կամ կը ցանեն ձեռքի սրսկումով և յետոյ վրան կը ծածկեն ցաքանով և կամ տողերու վրայ կը ցանեն ցանքի մեքենայով, ինչ որ ապագային կը դիւրացնէ մարկեղումի աշխատանքը՝ մարկեղումն ալ կատարելով մեքենայով: Երբ արտի մը մէջ առաջին անգամ չինական լուբիա կը ցանուի, լաւագոյն է զայն ցանել տողերու վրայ:



Պատկեր 6. — Զինական լուբիայի սերմցուին պատուաստումը՝ փորձառու մեակին կողմէ:

որպէս զի փնասակար խոտերու ջնջումը դիւրին ըլլայ: Ծանքի լաւագոյն մէթոտի մը ընտրութիւնը կախում ունի մարկեղումի յարմար և աժանագին կատարուելէն, սերմցուի քանակէն, տեսակէն, հողի տիպէն, կլիմայական պայմաններէն և մշակուած բերքին նըպատակէն: Հունտի արտադրութեան համար, լաւագոյն մէթոտը՝ տողային ցանքն է, որուն միջոցով կարելի կ'ըլլայ փնասակար խոտերը յաջող կերպով ջնջել: Միացեալ Նահանգներու հարաւ արեւելեան մասերուն մէջ, անասուններու կանանչ կերի արտադրութեան համար, տողի վրայ կը ցանեն: Նոյն շրջանին մէջ եգիպտացորենը՝ չինական լուբիային հետ միասին (հունտի համար) տող ընդ մէջ փոփոխակի կը ցանեն: Զինական լուբիայի տողերու մէջի հե-

ռաւորութիւնը զանազան պայմաններու համեմատ կը փոխուի և ամէն տեսակ հողերու համար ընդհանուր կանոն մը սահմանել կարելի չէ: Արգասարեւ հողերու մէջ, տողերու միջև 60էն 90 սանթիմէթր հեռաւորութիւն մը լաւ արդիւնքներ կուտայ: Միջին բերրի և աղքատ հողերու մէջ այս հեռաւորութիւնը 50էն 75 սանթիմէթր ըլլալու է: Շատ մը տեղեր, հունտի էն բարձր բերքերը, իրարմէ 50էն 75 սանթիմէթր հեռաւորութիւն ունեցող շարքային ցանքէ մը կը ստացուի: Միացեալ Նահանգներու հարաւային մասին մէջ, ուր լայնամարմին և աւելի վաղահաս տեսակներ կը ցանուին, չինական լուբիաներ իրարմէ 90էն 120 սանթիմէթր հեռաւորութիւն վրայ կը ցանուին:

Չոր խոտի և հողին մէջ իբր կանանչ պարար թաղելու համար կատարուած ցանքերը, մեքենայով խիտ ցանուելու են: Եթէ հողը զերծ ըլլայ փնասակար խոտերէ և կամ խոտերը փոքր եղած ատեն կարելի ըլլայ մեքենայով խնամքով մարկեղել, ցանքի մեքենայի միջոցաւ խիտ կերպով ցանելով, առատ արդիւնք և կանանչ կերի լաւ տեսակ ձեռք կը ձգուի: Այս մէթոտին գլխաւոր թերութիւնները մեծաքանակ սերմցուի պէտքը, ցուրտ և խոնաւ եղանակներու մէջ փնասակար խոտերու արագ և շատ աճումը և երաշտ պայմաններու տակ ալ հունտի և կերի բերքերուն նոսրացումն է:

Երբ չինական լուբիան եգիպտացորենին հետ միասին գուփի կամ մարզի համար պիտի ցանուի, այս նպատակին համար կան զանազան միջոցներ: Լուբիան եգիպտացորենին հետ միասին նոյն օճախին մէջ կրնան ցանուիլ, նոյն տողին վրայ կրնան ցանուիլ փոփոխակի զատ զատ օճախներու մէջ, նոյն արտին մէջ տող մը լուբիա և տող մը եգիպտացորեն փոփոխակի կը ցանուին (Պատկեր 7) և վերջապէս նոյն արտին մէջ երկու տող եգիպտացորեն և երկու տող ալ լուբիա փոփոխակի կը ցանուին:

Պարզ ցանքի մեքենան (Պատկեր 8) թէ՛ տողի վրայ և թէ՛ խիտ կերպով ցանելու համար յարմար մեքենան է: Պէտքին համեմատ, մեքենային մասերը կրնան լայնալ և նեղնալ: Այս մեքենայով ի հարկին լուբիան և եգիպտացորենն ալ միասին ցանել կարելի է, իր տուփին մէջ մէկ երրորդ լուբիա և երկու երրորդ եգիպտացորեն զնելով և ցանքի ժամանակ ալ, լաւագոյն խառնուրդ մը ապահովելու համար, յաճախ ցնցելով: Պատկեր 9 տողի վրայ ցանուած չինական լուբիայի արտ մը կը ցուցնէ:

ՍԵՐՄՅՈՒՆ ՔԱՆԱԿԸ

Ամերիկեան լծվար (էյքը) գլուխ ցանուելիք սերմցուին քանակը՝ տեսակին, ցանքի մէթոտին, հողին նկարագրին, կլիմայական պայմաններու և բերքին օգտագործման կերպին համեմատ կը փոխուի:



Չինական լուբիայի տեսակներուն հատերուն ծաւալը, Պասկեր 10ին մէջ տեսնուածին նման, իրարմէ շատ կը տարբերին: Նոյնիսկ



Պասկեր 7. — Չինական լուբիայի եւ եգիպտացորենի տող ընդ մէջ ցանք:

նոյն տեսակի հատերուն ծաւալը, հողային և եղանակային պայմաններուն համեմատ, տարբեր եղանակներու և տարբեր տեղերով



Պասկեր 8. — Չինական լուբիա ցանելու պարզ ցանքի մեքենայ:

մէջ կը փոխուին: Չափաւորապէս արգասաբեր և հարուստ հողերու մէջ շատ սերմցու և նուազ արգասաբեր և երաշտ պայմաններու տակ քիչ սերմցու կը գործածեն:

Տողի վրայ մշակուած չինական լուբիայի մէկ ամերիկեան լըծ-




Պասկեր 9. — Չինական լուբիայի շարփային ցանք մը:

վարը, էն փոքրէն մինչև էն խոշոր ոստեր ունեցող տեսակներէն, 10էն 75 ամերիկեան քաշի պէտք ունի փոխադարձաբար:

Սերմացան մեքենայով կամ սրսկումով ցանք կատարուած աւտեն, տողի համար գործածուած սերմի քանակին երկուքէն երկուքուկէս անգամ աւելի կը գործածուի:

Ուրիշ բերքերու հետ խառն ցանուած չինական լուբիայի քա-



Պասկեր 10. — Չինական լուբիայի ընփր տեսակներու երկու նմուշներ: Նակը, զանազան տեղերու մէջ փոփոխական է: Երբոր եգիպտացորենի հետ խառնուի, կարգ մը տեղեր եգիպտացորենը և չինա-

կան լուբիան հաւասար չափով կը խառնեն և սերմնացան մեքենան այնպէս մը կը կանոնաւորեն որ, գուփի յատուկ եգիպտացորենի ցանքին համար գործածուած սերմցունին երկու անգամը թափէ։ Մառնուրդի ուրիշ մէթոտ մըն ալ կայ։ Գուփի եգիպտացորենի կանոնաւոր ցանքի քանակին վրայ 6—8 ամերիկեան քաշ չինական լուբիայի սերմցուն կ'աւելցնեն, իւրաքանչիւր ամերիկեան լծվարի համար։ Բազմաթիւ փորձերէ ետքը հասկցուած է որ, խառնուրդ ցանք մը հետեւեալ միջինը ունենալու է։ Իւրաքանչիւր օճախի մէջ երկու հատ եգիպտացորենի և երկուքէն չորս հատ չինական լուբիայի տունկ գտնուելու է։ Սերմնացան մեքենայով ցանուած ժամանակ, իւրաքանչիւր տողին վրայ, ամէն 30—40 սանթիմէթրի վրայ մէկ եգիպտացորենի տունկ և իւրաքանչիւր 15էն 20 սանթիմէթրի վրայ ալ մէկ չինական լուբիայի տունկ գալու է։

ՅԱՆՔԻ ԽՈՐՈՒՆԿՈՒԹԻՒՆԸ

Ցանքին խորունկութիւնը շատ կարեւոր է, արուած ըլլալով որ ճուղած տունկերը ընդհանրապէս շատ խորունկ թաղուած սերմերէ յառաջ կուգան, մանաւանդ խոշոր հատերով տեսակներու պարագային։ Էն նպաստաւոր խորունկութիւնը կախում ունի հողին նկարագրէն, ներկայ խոնաւութեան քանակէն և հատին ծաւալէն։ Կաւային կամ ծանր հողերու մէջ, մօտաւորապէս երկուքուկէս սանթիմէթր խորունկութիւն կը բաւէ և ասիկա, ծանր անձրեւէ մը ետքը, հողային կեղեւի մը կազմութենէն գոյանալիք վրիպումի մը վտանգը կը պակսեցնէ։ Թեթեւ կամ աւաղային հողերու մէջ, ցանքը աւելի խորունկ ըլլալու է, բայց եօթն ու կէս սանթիմէթրը անցնելու չէ։ Երաշտ չըլլանի մը մէջ կատարուած ցանքին խորունկութիւնը եօթն ու կէս սանթիմէթրէն պակաս ըլլալու չէ։ Փոքր հատով տեսակները, մեծ հատով տեսակներէն աւելի խորունկ թաղուելու են։ Ասով մէկտեղ, փոքր հատով տեսակներու համար իսկ, շատ խորունկ ցանքէն զգուշանալու է։ Ցանքին երբ անձրեւ յաջորդէ, ցաքանով մը հողին մակերեսին վրայ կազմուած կեղեւը քրքրելու է։ Գարնանային սովորական պայմաններու տակ, համեմատաբար ծանծաղ ցանքերը լաւագոյն արդիւնքները կուտան։

ՄԱՐԿԵՂՈՒՄԸ

Նպաստաւոր պայմաններու տակ չինական լուբիան մի քանի օրուան մէջ կը ծլի։ Փոքր տունկերը երեսնալուսն պէս, մարկեղումի սկսելու է։ Սերմնացան մեքենայով կամ սրսկումով խոտի կամ հատի համար եղած ցանքերուն կամ նոյնիսկ տողի վրայ կատարուած ցանքերուն ժամանակ, եթէ վնասակար խոտերու սերմերը

նախապէս ծլին, չինական լուբիայի տունկերը հողէն դուրս չեւած, ցաքանով թեթեւ մարկեղում մը պէտք է։ Նորէն եթէ հողը ծանր տիպի պատկանի և անձրեւէ մը ետքը ծանր կեղեւ մը կազմելու ըլլայ, մատաղ տունկերը չերեւցած, թեթեւ մարկեղում մը շատ անգամ անհրաժեշտ կը դառնայ։ Կեղեւ մը կազմուելէն անմիջապէս ետքը՝ կեղեւը կոտրելով մատաղ տունկերուն դուրս գալը դիւ-



Պատկեր 11. — Մարկեղումի օրջդարձիկ սխանչելի մեքենայ մը։


րացնելու համար, թեթեւ ցաքանում մը պէտք է։ Մատաղ տունկերը շատ փափուկ ըլլալուն և հողէն դուրս ելած տեսներն, դիւրաւ կոտրելուն համար, մարկեղումը միայն այն պարագային արուելու է, երբ տունկերը ինքն իրենց գլուխ չկրնան պատուել հողին կեղեւը։

Երբ չինական լուբիան, խոտի կամ հատի համար, սեղմ սերմնացան մեքենայով ցանուած է, մինչև որ տունկերը 20էն 25 սանթիմէթր բարձրանան, մարկեղումի համար, խոտ մաքրող մեքենաները, ցաքանները և մարկեղումի շրջաբարձիկ մեքենաները կրնան գործածուիլ։ Փորձը ցոյց տուած է որ, սերմնացան մեքենայով կամ սրսկումով կատարուած ցանքերուն ձեւով մարկեղումը՝ նոյն խոտի շատ մեծ արդիւնք մը կուտայ՝ վնասակար խոտերու փոքր քանակով մը։ Բազմաթիւ փորձերէ ետքը ձգել վնասակար խոտ մաքրող մեքենաներով, շրջաբարձիկ մարկեղի մեքենաներով և ցաքաններով։ Պատկեր 11ը մարկեղումի շրջաբարձիկ մեքենան կը ցուցնէ։ Այս մեքենան արժէքաւոր գործիք մըն է թէ՛ սերմնացան մեքենայով խոտ

Ջին տարիներ շատ ընդհանրացած է Ամերիկայի մէջ: Ասիկա ալ կը ցուցնէ թէ՛ ձեռք ձգուած արդիւնքները մեծապէս գնահատուելի են:

ՋԻՆԱԿԱՆ ԼՈՒԲԻՍ. ԵՒ ԵԳԻՊՏԱՅՈՐԵՆ

Ջինական լուբիան՝ ուրիշ ս և է բերքէ աւելի, եգիպտացորենի հետ է որ ընդհանրապէս միասին կ'աճի (Պատկեր 12): Երբ չինական լուբիան եգիպտացորենի հետ խառն աճի, խառնուրդ բերքը առ հասարակ կը գործածուի արօտի համար կամ անասուններու իբր ձմեռուան կեր, գուփերուն մէջ ամբարումին համար: Ամերիկայի



Պատկեր 12. — Նոյն Եարֆի վրայ չինական լուբիայի եւ եգիպտացորենի խառն ցանք:

կարգ մը հարաւային նահանգներու մէջ ալ եգիպտացորեն և չինական լուբիան փոփոխակի տողերու վրայ կը մշակեն, հատիկի արտադրութեան համար:

Եգիպտացորենի և չինական լուբիայի խառնուրդ մշակութեան ժամանակ, եգիպտացորենի բերքը, մասնաւորաբար իր հատին արտադրութիւնը կը նուազի: Այս նուազումը մեծապէս կախում ունի թէ՛ չինական լուբիայի և թէ՛ եգիպտացորենի խիտ ցանքէն: Եգիպտացորենի նուազ բերքը՝ չինական լուբիայի առատ բերքով մասամբ կը փոխարինուի: Միւս կողմէ փորձը ցուցուցած է թէ՛ այս խառն մշակութեանց բերքերը պրօֆիտով աւելի հարուստ կ'ըլլան:

ՋԻՆԱԿԱՆ ԼՈՒԲԻՍ. ԵՒ ԿՈՎՈՂՈՐ

Ջինական լուբիան և կովոլոռը միասին մշակուելով, խոտի կամ արօտի լաւ բերք մը յառաջ կը բերեն: Սառնուրդի այս բերքը, զատ զատ բերքերու հափ առատ է և չինական լուբիայի պատճառաւ կովոլոռին ալ չորացումը աւելի կը դիւրանայ: Այս խառնուրդ մշակութեան համար, երկու բերքերուն գրեթէ միեւնոյն ժամանակ հասնող տեսակները ընտրուելու են: Այսպէս կովոլոռի Հուլիփուր-վիլ (Whippoorwill), Նիւ-Էրա (New-Era) և Կրօյթ (Groit) տեսակները, չինական լուբիայի Ուիլսոն (Wilson), Ուիլսոն-Ֆայվ (Wilson-Five) և Վիրժինիա (Virginia) տեսակներու հետ միասին խառն մշակութեանց քաջայարմար են: Կովոլոռի վաղահաս տեսակները, օրի-կուլթեանց քաջայարմար են: Կովոլոռի Պրապհամ (Brabham), Այրըն (Iron) և Ռէտ Ռիփըր (Bed Ripper), չինական լուբիայի Մէմթ Ելօ (Mammoth Yellow) և Կովոլոռի տեսակին հետ խառն մշակուելու են:

Ջինական լուբիայի և կովոլոռի խառն մշակութեան մէջ, լաւագոյն է կովոլոռի տունկերէն աւելի չինական լուբիայի տունկեր ունենալ: Այս կերպով կովոլոռի պատաղիճները իրենց յարմարութեան տակ կ'ունենան չինական լուբիայի տունկի յենակներ: խիտ սերմնացան մեքենայով ցանուած ամերիկեան լճվար մը տարածութեան համար մէկէն մէկուկէս ամերիկեան գրիւ չինական լուբիայի և կէսէն մէկ ամերիկեան գրիւ կովոլոռի սերմնու պէտք է: Իրարմէ 90 սանթիմէթր հեռաւորութեամբ շարքային ցանքերու համար, այս քանակութեանց կէսը կը բաւէ:

Սոտքաղի ժամանակը՝ երկու բերքերուն յարաբերական աճումէն կախում ունի: Երկու տունկերը աճման այնպիսի աստիճանի մը վրայ կտրելու է որ, յառաջ դալիք խոտը, լաւագոյն տեսակէն ըլլայ: Այս ալ կարելի է երբ չինական լուբիայի հատերը կէս մը հասած են և թէ կովոլոռի առաջին պատիճները հասունցած: Կովոլոռի և չինական լուբիայի խառնուրդի՝ իբր խոտ՝ քաղն ու չորացումը, աւելի դիւրին է քան կովոլոռը առանձին, բայց քիչ մը աւելի դժուար, քան չինական լուբիան առանձին: Նման ումը բակլազգի բոյսերուն, այս խառնուրդ խոտին խնամքն ալ կը կայանայ տերեւներուն կորուստը արգիլելուն մէջ:

ՋԻՆԱԿԱՆ ԼՈՒԲԻՍ. ԵՒ ՍՈՒՏԱՆԱԿԱՆ ՄԱՐԳԱՆՈՏ

Սուտանական մարգախոտը պատուական բերք մըն է, չինական լուբիային հետ գոլգախառնութեամբ աճելու համար: Այս խառնուրդով լաւագոյն արդիւնքները ձեռք կը ձգուին այն չրջան-ներու մէջ, որոնք չինական լուբիայի մշակութեան քաջայարմար

ՔԱՂԻ ԺԱՄԱՆԱԿԸ

Երբ չինական լուբիայի հունտը հասունութեան մօտենայ, տե-
րեւները կ'սկսին թօշնելու և ինչալու։ Իր բոլոր պատիճները լիո-
վին հասուննալէ առաջ, բացի քանի մը տեսակներէ, տերեւները
կ'իյնան։ Ընդհանուր կերպով, քաղի լաւագոյն ժամանակը՝ պա-
տիճներուն լիովին հասունեցած և հատերուն կարծրացած ատենն է։
Եթէ կանուխէն քաղուի, ատենները յամրօրէն կը չորնան և հատն
ալ թէ՛ քանակով պակաս և թէ՛ որակով ստորին կ'ըլլայ։ Միւս
կողմէ ալ, եթէ թող տրուի որ հատը լիովին հասուննայ, պատիճ-
ներու ճաթուտելէն հատի կորուստ առաջ կուգայ։ Ասով մէկտեղ,
եթէ բերքը մինչև լիովին հասուննալուն թող տրուելու ըլլայ, ճա-
թուտութեն առաջ եկած կորուստին առաջքը առնելու համար,
տունները առտուն կանուխ կտրելու է, երբ տակաւին թաց են։
Դիւրաւ չի ճաթուտող տեսակները մինչև որ լաւ մը հասուննան,
ձգելու և ուշ քաղելու է։

Երբ քաղելու և կամեելու համար մասնաւոր մեքենաներ կը
գործածուին, այն ժամանակ լաւագոյն արգիւնք մը ստանալու հա-
մար անհրաժեշտ է ձգել հատերը որ լիովին հասուննան։ Քաղի ժա-
մանակը՝ օդային պայմաններու համեմատ կը փոխուի։ Տաք և չոր
աշնան մը ատեն, ճաթուտելու հակամէտ տեսակներուն հնձման հա-
մար աւելի խնամք տանելու է։ Չի ճաթուտող տիպի պատկանող մի
քանի տեսակներ, գրեթէ ունէ տեսակ եղանակի տակ, հատի ոչինչ
կամ բնաւ կորուստով մը, կրնան ձգուիլ մինչև որ լիովին հա-
սուննան։

Փորձառու մշակներ նոյն բերքէն թէ՛ խոտ և թէ՛ հատ ստա-
նալու գաղտնիքը գիտեն, բայց եթէ բերքն ու տեսակը նկատի
պիտի առնուին, չինական լուբիայի թէ՛ խոտի և թէ՛ հատի հա-
մար կտրուելիք աստիճան չունի։ Լաւագոյն խոտի մը համար
բերքը՝ լաւագոյն հատի մը համար հնձուելէն երեք չորս շաբաթ
առաջ կտրուելու է։


ՀՆՁՄԱՆ ՄԵԹՈՏՆԵՐ

Չինական լուբիայի հնձող, հնձող-կապող, մարգհնձող, տողի
վրայ կամ սրկումով եղած մշակութեանց յատուկ բակլայ հնձող
մեքենաներով կը հնձեն։ Կը հնձեն նաև հնձող-կամեող զուգորդ
մեքենայով։ Տրմուխով օժտուած հնձող մեքենան ալ (Պատկեր 16)
լաւագոյն մեքենան է հատի համար մշակուած չինական լուբիայի
հնձելու համար։


Այս զանազան հնձող մեքենաներէն մին կամ միւսը կը գոր-
ծածուի պարագային համեմատ։

ՉՈՐՅՆԵԼՈՒ ՄԵԹՈՏՆԵՐ

Երբ չինական լուբիայի հնձող մեքենաներով հնձուի, հնձուած
բոյսերը փոքր փոքր գէղերու վերածուելու և 3-4 օր բաց օդին




Պատկեր. 16 — Տրմուխով օժտուած հնձող մեքենայ։



Պատկեր 17. — Չինական լուբիայի խուրձի դեղեր։
մէջ ձգուելու են, մինչև որ հատերը պատիճներուն մէջ լաւ մը

չորնան։ Թաց օդը չի խաթարեր բերքը, քանի որ երկայն ատեն գեղերը գետնին վրայ չեն ձգուիր։ Եթէ օդը անձրևոտ է, գեղերը շարունակ դարձնելու է։ Չորացումի ժամանակ կամ ետքը, բերքին կլուարման ժամանակ, ճաթուտուքէն առաջ գալիք վնասը անհետացնելու համար, բոյսերը ցօղով կամ անձրեւով պնդացած ըլլալու են։

Երբ հնձող-կապող մեքենայով հնձուի, խուրձերը ութով տասով գիլելու է (Պատկեր 17), մինչև որ լաւ մը չորնան։



Պատկեր 18. — Հասի պարզ գասիչ մեքենայ՝ չինական լուբիաներ կամեելու յարմար։

ԿԱՄՆԵԼՈՒ ՄԷԹՈՏՆԵՐ


Հատի պարզ գատիչ մեքենան (Պատկեր 18), չինական լուբիան յաջող կերպով կամեելու համար կրնայ յարմարուիլ։ Գլխական պաշտօնեան կրնայ այս մեքենան պէտքին համեմատ յարգարել և չինական լուբիան յաջող կերպով կամեելու վիճակին մէջ գնել։

Չինական լուբիան կամեելու համար կրնան գործածուիլ նաև ոլոռի, բակլայի և եգիպտացորենի գատիչ մեքենաներն ալ։


Երբ չինական լուբիան լաւ մը չորցած ըլլայ, կամեալով մըն ալ գիւրաւ կարելի է կամեել։ Փոքր տարածութեամբ մշակութիւններու համար, կամեակը էն յարմարը և էն աժանն է։

Միացեալ Նահանգներու հարաւային մասին մէջ, ուր չինական լուբիայի ընդարձակ մշակութիւն կայ, կը գործածուին մաս-

նաւոր հնձող մեքենաներ (Պատկեր 19), որոնք շարքային կանգուն բոյսերու վրայէն պատիճներու մէջէն հատերը կը հաւաքեն սընտուկի մը մէջ։ Մնտուկը լեցուցած ատեն կը պարպուի, հատերէն



Պատկեր 19. — Չինական լուբիայի մասնաւոր հնձող մեքենայ, որ տուկներուն վրայէն հատերը կը քաղէ։



Պատկեր 20. — Հնձող - կամնող զուգորդ մեքենայ։

գատուելով պատիճներն և խեղերանքները։ Լաւագոյն պայմաններու տակ, երկու մարդ զոյգ մը ձիով օրական 5—6 ամերիկեան լծվար

կրնայ հնձել: Գործաւորողէքը սուղ եղած տեղեր կը գործածեն այս մեքենան:

Միացեալ Նահանգներուն մէջ չինական լուբիան յաջողապէս կը հնձեն և կը կամենն, նաև հնձող—կամնող զուգորդ մեքենաներուով (Washley 20), որոնք վերջին տարիներ երկրագործական աշխարհին նորոյթը կը կազմեն և ժամանակի ու աշխատանքի տեսակէտով շատ խնայողական են: Այս մեքենան մէկ կողմէն կը հնձէ և միւս կողմէն կը կամնէ: Այս մեքենաներուն մէջ կամ հունտը ուղղակի կողմնակի վակոնի մը մէջ կը հաւաքուի եւ կամ շիտակ չիտակ պարկերու մէջ լեցուելով, լեցուած եւ կապուած պարկեր մեքենայէն դուրս կը թափին: Նման մեքենայի մը մեր երկրին մէջ գործածութիւնը դեռ շատ հեռու է, քանի որ մէկ կողմէ, մեր կլիմաներուն տակ, տիրապետող ուժն է մարդ—մեքենան եւ, միւս կողմէ, հորիզոններ ընդգրկող անծայրածիր մշակութիւններու գաղափարը իսկ չունինք:

ՀԱՏԻՆ ՅԱՐԳԻՆ ՀԵՏ ՈՒՆԵՅԱԾ ՀԱՄԵՄԱՏՈՒԹԻՒՆԸ

Չինական լուբիայի յարգին համեմատութիւնը գրիւ մը հատին հետ, տեսակին համեմատ շատ կը փոխուի: Առատ հատ ունեցող տեսակներ, բաղդատաբար քիչ յարգ կուտան: Օրինակի համար չինական լուբիայի Բեքին տեսակը, ամերիկեան լծվար գլուխ, 14,01 ամերիկեան գրիւ միջին հատի մը փոխարէն 2,292 ամերիկեան քաշ միջին յարգ կուտայ: Մինչդեռ Էլթօն տեսակը 26,51 գրիւի (պուելը) փոխարէն միայն 1,900 քաշ (փաունս) յարգ կուտայ:

ՉԻՆԱԿԱՆ ԼՈՒԲԻԱՅԻ ԲԵՐԲԵՐԸ

Չինական լուբիայի լաւագոյն տեսակները՝ երբ միայն հունտի համար եւ լաւագոյն պայմաններու տակ ալ մշակուին, ամերիկեան լծվար գլուխ, 25էն 60 գրիւ (պուելը) հատ (մէկ ամերիկեան գրիւը 60 ամերիկեան քաշ) կրնան տալ: Միացեալ Նահանգներու հիւսիսային եւ կեդրոնական Նահանգներու բերքը 15—25 ամերիկեան գրիւ եւ Հարաւային Նահանգներուն ալ 15—35 ամերիկեան գրիւ է: 50 յիւ աւելի ամերիկեան գրիւ Հիւսիսային Փարօլայի եւ Թէնէսի Նահանգներուն մէջ կը ստացուի: Միեւնոյն տեսակի բերքի քանակութիւնը տեղէ տեղ կը փոխուի: Աս ալ կը ցուցնէ թէ՛ չինական լուբիայի մը տեսակի տեղական պայմաններուն հետ յարմարութիւնը մեծ դեր կը խաղայ: Մշակական, եղանակային եւ կլիմայական պայմաններ ալ, որոշ դեր մը կը խաղան բերքին արտադրական քանակին վրայ:

ՉԻՆԱԿԱՆ ԼՈՒԲԻԱՅԻ ԱՄԲԱՐՈՒՄԸ

Չինական լուբիան դիւրաւ կ'աւրուի, եթէ խնամքով չի չորցուի և չամբարուի: Կամնումէն ետքը, լուբիաներուն վրայ խնամքով հսկելու է, որպէս զի չի տաքնան և չի բորբոսին: Չինական լուբիան շուտով կը տաքնայ եթէ մեծաքանակ ամբարուած կամ ոչ օդասոււն ամբարի մը մէջ գրուած ըլլայ և մանաւանդ, հատերը կամնուած աստին, լիովին չորցած չըլլան: Հատերը եթէ լաւ չորցած ըլլան տաքնալու վախ չկայ: Մանչուրիոյ մէջ չինական լուբիաներ լաւ մը կը չորցուին, պարկերու մէջ կը դրուին և յետոյ ընդարձակ յարգանքներու մէջ պահուելով, վրանին փոխաթնելով կը ծածկուին: Առաւելագոյն խոնաւութեան հարիւրորդեայ աստիճանը, որով չինական լուբիան անվտանգ կրնայ ամբարուիլ, դեռ վերջնականապէս կարելի չէ եղած ճշդել: Ասով մէկտեղ, երբ հատերը անվթար են, լաւ հասունցած և զերծ օտար նիւթերէ, հարիւրին 16 խոնաւութեամբ կրնան մթերուիլ պարկերու կամ տակաւներու մէջ: Երբ հատերը՝ իբր սերմցու պիտի գործածուին, եթէ տհաս են և կամ մեծաքանակ վնասուած հատեր և օտար նիւթեր կը պարունակեն, կամնումէն անմիջապէս ետքը տախտակաւ մը վրայ փռելով և ժամանակ ժամանակ դարձնելով լաւ մը չորցնելէ ետքը միայն պարկերու կամ տակաւներու մէջ լեցնելու է: Մթերանոցը չոր ըլլալու և պարկերու շուրջ օդի ազատ շրջան մը ունենալու է: Պարկերու խաչածեւ մթերում մը կը ծառայէ այս նպատակին:

Չինական լուբիան, ուրիշ բակլազդի հատերու նման, ուտիճներու կամ հատի ուրիշ միջատներու յարձակման քիչ կ'ենթարկուի, բացառութիւն նկատելով, կարգ մը աննպաստ պայմաններու տակ, մեծածաւալ աւերումը:

ՉԻՆԱԿԱՆ ԼՈՒԲԻԱՅԻ ԱՍՏԻՃԱՆԱԿԱՆ ՏԻՊԵՐ

Ինչպէս ուրիշ կարգ մը կարեւոր բերքերու համար, նոյնպէս չինական լուբիայի համար ալ, Միացեալ Նահանգներու երկրագործական պաշտօնատուներ, աստիճանի և վաճառումի համար տիպեր հաստատած է: Կառավարական միջնահանգային դաշնակցական քըն-նիչներ, չինական լուբիայի շոգենաւային առաքումներու ժամանակ կամ վաճառումի գլխաւոր կեդրոններու մէջ, կ'որոշեն անոնց աստիճանները: Այս պաշտօնական տիպերը, Ամերիկայի արտագրութեան կարեւոր կեդրոններու մէջ կը կիրարկուին ընդարձակ սահմանի մը վրայ:

յին վրայ: Այս միջատները իրենց կտուցներով կը ծակծկեն տե-
րեւները և կը սնանին բոյսին բուսահիւթովը: Զառիկատի միջա-
տասպաններ անգոր են այս միջատներուն գէմ: Հարիւրին 40 հա-
մեմատութեամբ նիքթինի հեղուկէն 70 տրամ, 225 լիդր ջուրի
վրայ աւելցնելով սրսկելն ալ արդիւնաւոր կրնայ ըլլալ: Այս խառ-
նուրդին ազդեցութեամբ մատաղատի կամ անթեւ միջատներ չու-
տով կը մեռնին, բայց չափահաս միջատները չեն ազդուիր: Պոր-
տոյի խառնուրդն ալ (պղնձի ծծմբատ և կիր խառն) կ'արժէ փորձել:

Թիթեռնիկի Թրթուրներ. — Զինական լուբիայի վրայ սնանող
գրեթէ բոլոր թիթեռնիկի թրթուրները միեւնոյն ձեւով կ'ոչնչաց-
ուին: Այս թրթուրները մեծաքանակ տերեւներով սնանկնուին համար,
կարելի է զանոնք թունաւորել զառիկի թունաւոր գեղերը կիրար-
կելով տունկերուն վրայ: Ասոնց մէջ լաւագոյնն է կապարի զառի-
կատ, որ քիչ կ'այրէ տերեւները: 225 լիդր ջուրի մէջ, 1 ամերիկեան
քաշ կապարի զառիկատի փոշի աւելցնելով, սրսկելու է տունկի ուն
վրայ: Այս միջատասպանը ազդեցիկ է նաև ուրիշ բերքերու թի-
թեռնիկի թրթուրներուն վրայ ալ, որոնք կը սնանին անասունի
կերի բերքերով: Ոստայնի մէջ ապրող թրթուրներու համար, թու-
նաւոր միջատասպաններով գոռար է ջնջել զանոնք: Եթէ չինա-
կան լուբիայի բերք մը մշակուած ըլլայ խոտին համար և այս խոտն
ալ նման ոստայնապատ թրթուրներով վարակուած ըլլայ, միակ
զարմանը խոտը անմիջապէս կտրելն է:

Երեքնուկի ԿԱՆԱՆՉ ՈՐԴ. — Երեքնուկի կանանչ որդը (*Platy-
thypena scabra*), մոխրագոյն և շաւ փոքր թիթեռնիկի մը թըր-
թուրը ըլլալով, բակլազգի բոյսերով կը սնանի: Կը յարձակի նաև
չինական լուբիայի վրայ: Այս թրթուրին գէմ պայքարելու համար
կապարի զառիկատի 1 ամերիկեան քաշ փոշին 8 ամերիկեան քաշ
մարած կիրով խառնելով, խառնուրդ մը պատրաստելու և այս
խառնուրդէն, իւրաքանչիւր ամերիկեան լծվարի վրայ 18 ամերիկե-
ան քաշ սփռելու է: Վարակումը նշմարուելուն պէս, այս փոշին
ցանկելու է: Այս փոշիով պատած խոտի բերքը, երբ անասունները
ուտեն, ու եւ է վտանգ առաջ չի բերեր:

ԲՈՒՍԱՅԻՆ ՄԼՈՒԿ. — Զինական լուբիան երբ եզիպտացորենի
հետ խառն մշակուի, բուսային մլուկին (*Blissus leucopterus*) եզիպ-
տացորենին հասցուցած վնասը չափազանց կը նուազի: Այս միջատը
տաք և չոր վայրերու մէջ շատ կ'աճի: Խոնաւ պայմաններու տակ
սնկային հիւանդութիւն մը կը տասանորդէ զինքը: Երբ չինական
լուբիան եզիպտացորենին հետ խառն աճի, տունկին վարի մասե-
րուն վրայ յառաջ եկած խիտ շուքին պատճառաւ, բուսային
մլուկին անյարմար միջավայր մը կը ստեղծուի: Փորձով հասկցուած
է որ չինական լուբիայով խառն եզիպտացորենի արտերուն մէջ

մլուկը շատ աւելի քիչ է քան եզիպտացորենի առանձին արտե-
րուն մէջ: Բերքն ալ առաջիններուն մէջ աւելի առատ է, քան
երկրորդներուն մէջ, որոնք շատ աւելի խաթարուած կ'ըլլան մի-
ջատներով:

ԻՐ ՀԻՒԱՆԳՈՒԹԻՒՆՆԵՐԸ

Զինական լուբիան իր ասիական բնավայրին մէջ ենթակայ է
կարգ մը վտանգաւոր հիւանդութիւններու: Միացեալ Նահանգնե-
րու մէջ ալ ունի կարգ մը հիւանդութիւններ, բայց վնասի տեսա-
կէտով մեծ արժէք մը չեն ներկայացներ: Իր տերեւները, իր փե-
ճկները, իր ցօղուններն ու արմատները ենթակայ են սնկային և
բակտերիային հիւանդութիւններու: Ասոնց գէմ պայքարելու գըլ-
խաւոր միջոցներն են փոխցանը, հիւանդութեանց զիմացկուն տե-
սակներու մշակութիւնը և սերմցուններուն հականեխումը:

ԶԻՆԱԿԱՆ ԼՈՒԲԻԱՅԻՆ ՕԿՏԱԳՈՐԾՈՒՄԸ


ԻՐ ՄԱՐԳԿԱՅԻՆ ՍՆՈՒՆԻ

Իր օգտագործութեան և իր արժէքին տեսակէտով չինական
լուբիան Ասիական երկիրներու մէջ արժէքաւոր բոյս մըն է: Վեց-
ջին տարւիներ, Միացեալ Նահանգներու մէջ մեծ կարեւորութիւն
ստացած է: Մարդկային սնունդին համար, անասուններու իրր կեր,
իւր կանանչ պարար և իւր փոխցանի լաւագոյն և արմարա-
գոյն բոյսերէն մին՝ մեծ յարգ կը վայելէ:

Տարբեր ուրիշ շատ մը բակլազգի հոռնտերէ, չինական լու-
բիային հատը հարուստ է իւղով: Բուսաիւղի և չանչի կարեւոր
աղբիւր մըն է:

Հեռաւոր Արեւելքի երկիրներուն մէջ, չինական լուբիայէ
թարմ, խմորած և չոր սննդեղէններ կը պատրաստեն մարդկային
սնունդին համար: Հոն, Արեւելքի մէջ, մարդկային սննդառութեան
անհրաժեշտ պրօքիմը մեծ մասամբ կը հոգացուի չինական լու-
բիայի սննդական արտադրութիւններէ, մինչդեռ Արեւմուտքի ժո-
բիայի սննդական արտադրութիւններէ, մինչդեռ Արեւմուտքի ժո-
ղովրդոց պրօքիմի գլխաւոր աղբիւրը միտն է: Հարուստ թէ աղ-
քատ կը սնանին չինական լուբիայով: Բակլազգի բոյսերու հատերը
արդէն ծանօթ են իրենց պարունակած ազօթային նիւթերով: Այսօր
որոշապէս հասկցուած է որ, չինական լուբիան կը պարունակէ թէ'
ջրահալ և թէ' ճարպահալ կենսամիւթեր (վիթամին): Առ առաւելն
նշայի աննշան հետք մը կը բովանդակէ: Նուազ նշային կերակրա-
կանոնի մը պէտք ունեցող հիւանդներուն չինական լուբիայի ա-
լիւրը յանձնարարելի է: Այս ալիւրը, փոքր տոնց համար իւր թա-
նապուր մեծ արժէք ունի:

Չինական լուբիայի գեղին հատով տեսակները չորացուելով, չոր լուբիայի նման կերակուրներու պատրաստութեան մէջ կը գործածուին: Ճարպով հարուստ և կարծր ըլլալով, քիչ մը ուշ կ'եփին: Շուտ եփող տեսակներ ալ (Easycook և Hahto) ունին: Չինաստանի և Ճափոնի մէջ, չինական լուբիային չոր հատերը խաշելով կամ եփելով կ'ուտեն: Բայց էն շատ Miso և Natto ըսուած խմորած արտադրութիւններու բաղկացուցիչ տարրը կը կազմեն (Պատկեր 21): Երբ լաւ խորովուի և պատրաստուի, չինական լուբիան, արմատիքի



Պատկեր 21. — Ճափոնական ժողովրդական կերակուրին (Miso) պատրաստութիւնը:

պատուական սուրճ մը կ'արագորէ: Ամերիկայի մէջ խահուէի տեղ կը գործածեն: Իսկ Արեւելեան երկիրներու մէջ, իբրեւ խահուէն փոխանորդող հատիկ, առեւտրական արժէք մը ունին: Չինաստանի մէջ այս լուբիան աղի ջուրի մէջ թրմելէ և խորովելէ ետքը, աղած պիտտակի նման կ'ուտեն:

Երբ չինական լուբիան գրեթէ լիապէս հասուննայ, իր հատերը շատ ախորժահամ և սննդարար կանանչ բանջարեղէն մը կ'արտադրեն և կանանչ պէզէլիայի նման կը գործածուին: Պատիճները հաստ ըլլալով, փափաքելի չեն, բայց երբ 5—10 վայրկեան խաշուելու ըլլան, հատերուն կեղեւերը կը զիւրանայ: Hahto և Easycook տեսակները մասնաւոր արժէք մը կը ներկայացնեն, իբրեւ կանանչ հաստ գործածուելու համար:

Չինական լուբիայի ալիւրը կը պատրաստուի կամ հատը և կամ իւղը առնուած հատեւուն չանչը աղալով: Այս ալիւրին համար գեղին հատով տեսակները նախամեծարելի են: Այս ալիւրով կրնան չինուել հաց, կլիկ (սիւիթ), պիսիուի և ուրիշ խմորեղէններ (Պատկեր 22): Ընդհանրապէս չինական լուբիայի ալիւրը և ցորենի ալիւրը մէկ չորրորդ և երեք չորրորդ համեմատութեամբ իրարու հետ կը խառնեն: Չինական լուբիայի ալիւրին յաւելումը հացը սննդարար կը դարձնէ և անոր կուտայ կաղինի նման հարուստ համ մը: Կարգ մը խմորեղէններու պատրաստութեան մէջ, չինական լուբիայի ալիւրը մինչև կէս առ կէս համեմատութեամբ կրնայ գործածուիլ: Շաքարախտովարակ հիւանդներու համար, չինական լուբիային ալիւրին համեմատութիւնը մեծապէս կ'աւելցուի և իրեն հետ միա-



Պատկեր 22. — Չինական լուբիայի ալիւրով պատրաստուած հաց եւ կլիկ:


սին մաս մը սնձան (gluten) կը գործածուի, փոխանակ ցորենի ալիւրի, որ նշայ կը պարունակէ:

Չինաստանի մէջ չինական լուբիայի իւղը շատ գործածական է: Թէ հում և թէ եփ մը տալով պարզուելէ ետքն ալ կը գործածուին: Խոհանոցի կերակուրներու մէջ իր գործածութիւնը սկսած է ունիլ: Խոհանոցի կերակուրներու մէջ իր գործածութիւնը ետքը, աղցանի համար, ընդհանրապէս: Չորուելէ և հականեխուելէ ետքը, կը գործածուի: Ինչպէս նաեւ խոզաճարպի և կարագի տեղ կը գործածուի:

Չինական լուբիայի թացանը (սալսա, զոր shoyusauce կը կոչեն) մոխրագոյն հեղուկ մը ըլլալով, խիտ և աղացուած չինական լուբիան խորոված և փոշիացած ցորենով (երբեմն ալ գարիով), ալիւրով և ջրով խառնելով կը ստացուի: Այս խառնուրդը կը պատրաստուի բրինձի խմորով (Aspergillus oryzae) և 6էն 18 ամիս կը ձգուի տակառներու մէջ, մինչև որ խմորումը ամբողջանայ (Պատկեր 23): Երբ լուբիան խմորումը ամբողջանայ, խմորը կը գործածուի, իբրեւ Այս թացանը Արեւելքի ժողովրդոց մէջ շատ կը գործածուի, իբրեւ կերակուրները հոտաւէտող և մարսող:

Չինաստանի մէջ, ուրիշ բակլազդի հատերու կարգին, չինական լուբիայի ծիւրերն ալ, իբրեւ ձմեռնային բանջարեղէն, զանազան կեւրակուրներու պատրաստութեան մէջ կը գործածեն: Լուբիայի հատերը ծեցնելու համար տաք ու խոնաւ վայրերու մէջ կը պահեն:

Չինական լուբիայի երբ չորցուած հատերը, համեմատաբար դեղին հատ ունեցող տեսակները, եթէ մի քանի ժամ թրմուին, յետոյ ճմլուին և գոյացած խառնուրդէն մաս մը երեք մաս ջրով, մօտ 30 վայրկեան եռացուի, սերմնակաթ մը կը ստացուի որ, ա-



Պատկեր 23. — Չինական լուբիայի քացան:

նասնային կաթին նմանութիւնն ու յատկութիւնները ունի: Պատկեր 24): Այս հեղուկը շատ բարակ մաղով մը զատուելէ ետքը, իբրեւ բուսային կաթ, մեծ սպառում ունի Չինաստանի մէջ: Չինական լուբիայի չանչն ալ, ըլլայ իւզը հանուած, ըլլայ իր իւզովը, կաթի պատրաստութեան համար կրնայ գործածուիլ: Արեւելեան երկիրներու մէջ, երբ անասունի կաթ չի գտնուի, չինական լուբիայի կաթը իր թարմ վիճակին մէջ, ինչպէս նաեւ բուսական զանազան պանիրներու պատրաստութեան մէջ կը գործածուի: Եւրոպայի և Ամերիկայի մէջ, չինական կաթի փոշին բաւական տարածուած է: Չինական լուբիայի կաթը ամէն տեսակ խմորեղէններու պատրաստութեան մէջ կը գործածուի: Կաթը քամուելէ ետքը մնացեալ թանձր մրուրն ալ, սննդառատ ըլլալով, չորցուելէ ետքը կամ անասուններու կը տրուի և կամ աղացուելով իբր մարգկային սնունդ կը գործածուի:


Երբ չինական լուբիայի տաք կաթին մէջ մակնեղիօմի կամ քալսիօմի աղեր, կամ խախացոց (չորրորդ ստամոքս որոճող անաս-



Պատկեր 24. — Չինական լուբիայի կաթ:

նոց) և կամ կաթնաթթու (ապիս լաքիփ) աւելցուի, պրօսէինին մէկ մասը կը սուզի, կազմելով մոխրագոյն ճերմակ մակարդ մը՝ վրան դեղնորակ ջրային հեղուկով մը: Այս

մակարդը քամուելէ և ճմլուելէ ետքը կը կը կազմէ լուբիայի մակարդը կամ փօսն (Պատկեր 25), որ Չինաստանի և Ճապոնի մէջ մեծաքանակ կը սպառուի և կը կազմէ բազմազան խմորուած, չորցուած և ծխուած պանիրներու հիմը: Լուբիայի մակարդը



Պատկեր 25. — Չինական լուբիայի մակարդ:

ամէն օր թարմ կը շինուի և արեւելեան ժողովրդոց գլխաւոր սնունդն է: Շատ սննդարար է:

ՉԻՆԱԿԱՆ ԼՈՒՔԻԱՆ՝ ԻՔՐ ԱՆԱՍՈՒՆԻ ԿԵՐ

Չինական լուբիան ամէն տեսակ անասնոց համար ալ լաւ կեր մըն է: Իր պրօսէինով հարուստ հատերը կաթնտու և պարարտացման ենթակայ անասնոց համար շատ օգտակար է: Չինական լուբիայի հատերը հարիւրին 36էն 46 պրօսէին կը պարունակեն: Ոչխարներուն և խոզերուն հատերը ամբողջ կրնայ տրուիլ, բայց ընդհանրապէս լաւագոյն է մանրել կամ աղալ զանոնք: Չինական լուբիան մեծաքանակ ճարպ պարունակելուն դժուար է աղալ զանիկա: Ասոր համար եգիպտացորենի, վարսակի կամ ոլոռի հետ խառնելէ յետոյ կ'աղան և այդպէս կուտան անասուններուն: Իր հատին մէջ ճարպի քանակը հարիւրին 18ը կ'անցնի:

Խոզերը պարարտացնելու համար, չինական լուբիան եգիպտացորենի հետ միասին հաւասարակշռուած լաւ սնունդ մըն է: Եթէ այս խառնուրդին վրայ սուլֆերֆօսֆատքէ, փայտի մոխիրէ և աղէ բազիլացեալ մետաղային խառնուրդ մըն ալ աւելցուի, խոզերու համար պատուական և աժանագին սնունդ մը հայթայթուած կ'ըլլայ:

Կաթնտու արջառներուն համար ալ, չինական լուբիան քացղրահամ և օգտակար սնունդ մըն է: Չինական լուբիային սննդական արժէքը հաւասար նկատուած է բամպակի կուտի չանչին: Կտաւահատի չանչին աւելի ազդեցիկ է կաթի արտադրութեան համար: Ազացուած չինական լուբիան աւելի քաղցրահամ է և կաթին համն ու հոտը չի խաթարեր: Ազացուած չինական լուբիան բամպակի կուտի չանչին աւելի կարագ ու ճարպ կ'արտադրէ: Նմանապէս թէ կաթի և թէ ճարպի արտադրութեան համար, չինական լուբիայի չանչին ալ աւելի ազդեցիկ է: Կաթի արտադրութեան տեսակէտով ալ, գերազանց է, կտաւահատի չանչին:

Եղներու սնունդման համար ալ, բամպակի կուտի չանչին չափ օգտակար է:

Չինական լուբիայով սնանող ոչխարները, վարսակով սնանողներէն աւելի առատ բուրդ կ'արտադրեն: Ոչխարներու սնունդման համար, օգտակար կերպով կը բռնէ եգիպտացորենին տեղը: Գառնուկները պարարտացնելու համար, ազացուած լուբիան եգիպտացորենով և առուոյտի խոտով խառն կը տրուի, կտաւահատի չանչին տեղը բռնելով: Բամպակի կուտի չանչին տեղն ալ կը բռնէ նպաստաւոր կերպով:

Ինչպէս ցոյց տուինք, չինական լուբիան ազօթային արժէքաւոր սնունդ մը ըլլալով, հաւազգիներուն համար ալ քաջայարմար է: Հաւերուն տրուած ատեն մետաղային յարմար խառնուրդով

մը խառնուելու է: Հաւերը թրմուած կամ եփուած լուբիայի հատերը աւելի ակորժակով կ'ուտեն:

ՉԻՆԱԿԱՆ ԼՈՒՔԻԱՅԻ ԻՒՂ

Չինական լուբիան կը պարունակէ նաեւ արժէքաւոր իւղ մը, որ շատ կը գործածուի Ասիոյ, Եւրոպայի և Ամերիկայի մէջ: Մանչուրիոյ մէջ այս իւղը և իր չանչը շատ կը գործածեն և Մանչուրիացի երկրագործին համար չինական լուբիայի մշակութիւնը հա-



Պատկեր 26. — Խարպինի (Մանչուրիա) մէջ չինական լուբիայի իւղի գործարանէ մը քանգերու մէջ իւղի բեռնաւորում:

սութաբեր մշակութիւն մըն է: (Պատկեր 26): Մանչուրիոյ մէջ մշակելի հողերուն հարիւրին 25ը չինական լուբիան կը գրաւէ: Ռուս-ճափոնական պատերազմէն առաջ, Չինաստան և Ճափոն ո'չ միայն ամենէն շատ արտադրողներ, այլեւ ամենէն շատ սպառողներն էին չինական լուբիային և իր արտադրութիւններուն: 1908ի ատեններն էր որ Մանչուրիայէն դէպի Եւրոպա և Ամերիկա, կատարուեցան չինական լուբիայի առաջին յաջող ներմուծումները: Այս լուբիաներէն իւղ հանուելով ճարտարարուեստի մէջ գործածուեցաւ և իր չանչն ալ անասուններուն տրուեցաւ: Այժմ այս իւղին և չանչին ալ ամասուններուն տրուեցաւ: Այժմ այս իւղին և չանչին արժէքը լաւ ճանչցուած ըլլալով, չինական լուբիան և իրմէ ստացուած նիւթերը մեծ կարեւորութիւն ստացած, ամէն կողմ տարածուած և այս լուբիան, ուրիշ իւղատու հատերու սարսափելի մրցորդ մը եղած է:

Ասիոյ, Ամերիկայի և Եւրոպայի մէջ, չինական լուբիային իւղը

կը հանուէր, բամպակի կուտի, կտաւահատի և գետնապիտտակի յատուկ իւղահան մեքենաներով և միջոցներով: Հարիւրին 19 իւղ պարունակող մէկ կենդինար (1000 քիլո) չինական լուբիայէ, մզումի մէթոտով, 250 ամերիկեան քաշ իւղ և 1600 ամերիկեան քաշ չանչ կը ստացուի և 150 ամերիկեան քաշ ալ, իրր մրուր, կորուստ մը կ'ըլլայ:

Չինական լուբիայի իւղը կը պատկանի չորցող իւղերու դասակարգին և իր յատկութիւններով կտաւահատի իւղին և կէս չորցող բամպակի կուտի իւղին միջեւ կը գտնուի: Այս իւղը կրնայ կտաւահատի կամ բամպակի իւղերուն տեղը բռնել, մասնաւորաբար օճառաշինութեան մէջ: Կակուղ օճառներու շինութեան մէջ կտաւահատի իւղին տեղը շատ լաւ կը բռնէ, բայց կարծր օճառներու շինութեան մէջ բամպակի իւղին տեղը այնքան յաջող կերպով չի կրնար բռնել: Նկարչութեան մէջ ալ մասամբ կը բռնէ կտաւահատի իւղին տեղը: Չինական լուբիայի իւղը, երբ լաւ գտուի, կը կորսնցնէ իր յատկանշական մասնաւոր հոտը և այն ժամանակ, իւր աղցանի իւղ կրնայ գործածուիլ: Ներկայիս այս իւղին զտումը կատարելագործուած ըլլալով, ո եւ է սննդեղէնի պատրաստութեան մէջ որ իւղի պէտք կայ, չինական լուբիայի իւղը կրնայ գործածուիլ շատ յաջող կերպով: Քիմիական ճարտարարուեստներու մէջ ալ ընդարձակ գործածութիւն ունի: Բուսային իւղերու կատաղի մըրցորդ մը եղած է: Չինաստանի մէջ այս իւղը գլխաւորաբար կը գործածուի մարդկային սնունդին համար: Հոն կը գործածեն նաեւ օճառաշինութեան, նկարչութեան, տպագրական մեկանի շինութեան, լուսաւորութեան եւ այլնի համար:


ՉԻՆԱԿԱՆ ԼՈՒԲԻԱՅԻ ԶԱՆԶ

Չինական լուբիային իւղը առնուելէն ետքը մնացած չանչը արժէքաւոր է և ունի բազմազան օգտակարութիւններ: Մննդաւոր և ախորժահամ ուտելիք մըն է անասուններու համար: Արեւելեան երկիրներու մէջ, ոչ միայն անասունները, այլ հողերն ալ պարարտացնելու կը գործածուի: (Պատկեր 27): Չանչը՝ իրր ալիւր, մարդկային սնունդին համար գործածութիւնը սկսած է ընդհանրանալ Եւրոպայի, Ամերիկայի և Արեւելքի մէջ:

Չինական լուբիայի գեղին հատերու տեսակներուն իւղը առնուելէ ետքը, մնացեալ չանչը, թարմ եղած ատեն գեղին գոյն մը և քաղցր համ մը ունի: Այս չանչին ալիւրին գործածութիւնը մարդկային սնունդի համար, վերջին տարիներ կարգ մը Եւրոպական երկիրներու մէջ ընդհանրացած է: Ամերիկայի մէջ ալ բաւական ծաւալ գտած է իրր քիչ նշայ պարունակող մարդկային սնունդ:

Ագարակի ամէն տեսակ անասուններու համար, չինական լուբիայի չանչը օգտաւատ սնունդ մըն է: Ազօթով հարուստ ըլլալուն համար, կրնայ անմարսողութիւն առաջ բերել, զոր արգելելու համար միջոցներ չէ որ կը պակսին:

Չինական լուբիայի չանչին մէջ հարիւրին 44,65 պրօսէին և 8,77 ճարպ կայ: Բամպակի կուտի, կտաւահատի, անկճեպ գետնապիտտակի և արեւածաղիկի հունտի չանչերուն մէջ գտնուող պրօ-



Պատկեր 27. — Մանչուրիական ճաւահանգիսի մը մէջ բեռնաւորման սպասող չինական լուբիայի չանչ:

սէինը կարգաւ հարիւրին 40,29, 33,23, 46,84 և 23,80 և ճարպն ալ հարիւրին 7,41, 7,20, 7,91 և 7,94 է:

Չինական լուբիայի չանչը, իրրեւ լրացուցիչ եգիպտացորենի շատ աւելի օգտակար է խոզերուն, քան աղացուած կամ խաշած չինական լուբիան: Խոզերը այս չանչը եգիպտացորենին հետ իրր լրացուցիչ շատ ախորժակով կ'ուտեն: Լաւագոյն արդիւնքներ ձեռք ձգուած են, հաւասարաչափ քանակութեամբ երբ չինական լուբիայի և ձուկի չանչերը խառն տրուած են խոզերուն քան չինական լուբիայի չանչը առանձինն, իրր պրօսէինի լրացուցիչ:

Չինական լուբիայի չանչը, իրր պրօսէինի լրացուցիչ, բամպակի կուտի և կտաւահատի չանչերուն հաւասար և նոյն իսկ անոնցմէ կերազանց է կաթնտու արջառներու կաթին և կարագին արտադրութեան համար: Այս չանչը՝ գետնապիտտակի և արեւածաղիկի հունտի չանչերուն չափ, կաթնտու կենդանիներուն կաթը կ'առատացնէ: Մանաւանդ անոնց կարագաճարպը կ'աւելցնէ:

Այս չանչը շատ օգտակար և խնայողական է նաեւ եղներու համար։ Այս չանչով եղներուն պարարտացումը աւելի շահաբեր է քան բամպակի հունտի չանչով։ Ասով մէկտեղ թէ չինական լուբիայի և թէ բամպակի կուտի չանչերը, եղները պարարտացնելու տեսակէտով, հաւասար արժէք կը ներկայացնեն։

Չինական լուբիայի չանչը, հաւազգիներուն միս և հաւկիթ արտադրել տալու տեսակէտով ալ սքանչելի սնունդ մըն է։ Հակառակ անոր որ բուսային աղբիւրի մը պրօքիներ անասնային աղբիւրի մը պրօքիներէն նուազ արժէքաւոր նկատուած է, չինական լուբիայի չանչը հանքային սնունդի մը հետ խառն հաւերուն տըրուած ատեն, իբր պրօքիներ լրացուցիչ՝ կը սատարէ անոնց աճման և հաւկիթի արտադրութեան։

Երբ չինական լուբիայի չանչը, ցորենի թեփը և փշուած եգիպտացորենը իրարու հետ խառնուին և թրջուին քաղցր կաթով, վառեակներու համար լաւ սնունդ մը կը կազմեն։

ՉԻՆԱԿԱՆ ԼՈՒԲԻԱՅԻ ՉԱՆՉԸ ԻԲՐ ՊԱՐԱՐ

Այս չանչը Ասիական երկիրներու մէջ ամէն կողմ, իբր պարար, կը գործածեն։ Դարերէ ի վեր այս չանչը Հարաւային Չինաստանի շագարեղէգի արտերուն կը գործածուի և ճալայի և ուրիշ հասարակած գօտիի շագարեղէգի տնկարկութիւններուն վրայ ալ երկարած է իր բարերար բազուկը։ Ճափոնցիք շատոնց գնահատած ըլլալով այս չանչին բարձր արժէքը իբր պարար, տարեկան մեծաքանակ կը ներմուծեն Չինաստանէն և իրենց բնձագաշտերն ու թթաստանները կը պարարեն։ Մանչուրիոյ մէջ ալ մեծաքանակ կը գործածեն արտերու և պարտէզներու համար։ Սկսած է Ամերիկա և Եւրոպա ալ ներմուծուիլ։ Նման բամպակի կուտի չանչին, չինական լուբիայի չանչն ալ փոսփորական թթուով և փոթասով աղքատ և ազօթով հարուստ է։ Չինական լուբիայի չանչը հարիւրին 7,24 ազօթ, 8,70 ամօնեաք, 1,44 փոսփորական թթու և 1,86 փոթաս կը պարունակէ։ Իսկ բամպակի կուտի չանչը հարիւրին 6,79 ազօթ, 8,24 ամօնեաք, 2,88 փոսփորական թթու և 1,77 փոթաս կը պարունակէ։

ՉԻՆԱԿԱՆ ԼՈՒԲԻԱՅԻ ԻԲՐ ԶՈՐ ԽՈՏ

Չինական լուբիայի չոր խոտը, իբր ձմրան կեր սքանչելի սնունդ մըն է մատաղատի արջառներու, ոչխարներու, ձիերու, ջորիներու, խոզերու և հաւազգիներու համար։ Իր պարունակած առատ պրօքիներն համար, անասուններուն կաթը, միսը և կտրագը կը շատցնէ։ Անասունները առանձինն այս խոտով կերակրելու չէ,

որովհետեւ դժուարամարս է։ Մինակ այս խոտին փայտային կոշտ ցողուններուն համար առարկութիւն կ'ըլլայ։ Ասոր ալ առաջքը մեծ մասամբ կ'առնուի խոտը ժամանակին կտրելով, խիտ ցանելով և անասունի կերի յատուկ լաւ տեսակներ մշակելով։

Այս խոտին գլխաւոր արժէքը մեծաքանակ դիւրամարս պրօքիներ պարունակելն է։ Չինական լուբիայի խոտը, կաթի և կարագի արտադրութեան տեսակէտով, կարմիր երեքնուկին և առուոյտին հաւասար է։ Չինական լուբիայի, կովոլուի, առուոյտի և կարմիր երեքնուկի խոտերուն մէջ գտնուող դիւրամարս պրօքիների քանակն է հարիւրին յաջորդաբար 11,2, 11,9, 11,5 և 8,3։ Իսկ ձարպի քանակն է յաջորդաբար հարիւրին 3,8, 2,8, 2,6 և 3,4։

Չինական լուբիայի խոտը մասնաւորաբար յանձնարարելի է կաթնտու արջառներու համար։ Մոխուրի առաջքը առնելու համար, լաւ է որ խոտը ջարդուած վիճակի մէջ տրուի։ Կաթնտու արջառներու համար, չինական լուբիայի և առուոյտի խոտերը նոյն արժէքը կը ներկայացնեն և նոյն իսկ առաջինը երկրորդէն աւելի արժէքաւոր է։

Եղներու պարարտացման համար ալ չինական լուբիայի և առուոյտի խոտերը գրեթէ նոյն աստիճան օգտակար են։

Աշխատող ձիերու համար չինական լուբիային խոտին հետ եգիպտացորենի, կամ չինական լուբիայի խոտին հետ եգիպտացորենի և վարսակի օրապարէն մը յարմարագոյն է։ Ջորիներու համար ալ պատուական սնունդ մըն է։ Չինական լուբիայի խոտով սնանող ձիերն ու ջորիները ողորկ մորթ մը կ'ունենան և լաւ կը դիմանան տաքի։ Ջամբիկներու աճման կը նպաստէ։ Ձիերու և ջորիներուն տրուած այս խոտը լաւ մը չորցած ըլլալու է և օրական տրուելիք յարդին կամ խոտին կէս չափովը տալու է։

Չինական լուբիայի խոտը, ոչխարներուն կողմէ, կարմիր երեքնուկի խոտէն աւելի ախորժակով կ'ուտուի և անոնց արագ աճման կը նպաստէ։ Կճեպուած եգիպտացորենի հետ խառն եւս կը տրուի։

Խոզերն ալ կարելի է ձմրան եղանակին կերակրել չինական լուբիայի խոտով։

Փորձը ցուցուցած է թէ՛ չինական լուբիայի խոտը նմանապէս ձմեռուան պատուական կեր մըն է հաւերուն համար և անոնց հաւաքութեան արտադրութիւնը կ'աւելցնէ։ Խոտի յատկացուելիք չինական լուբիան կը կտրուի, երբ իր հատը կէսէն երեք չորրորդ համեմատութեամբ աճած է։

ՉԻՆԱԿԱՆ ԼՈՒԲԻԱՆ ԻՔՐ ՄԱՐԳԱՆՈՏ

Չինական լուբիան ամէն աեսակի անասուններու արածման համար յարմար է: Թերեւս էն շահաբերը խողերը արածելն է, եգիպտացորենի յաւելուածական օրապարէնով մը: Մասնաւորաբար արածումը փափաքելի է, երբ օգային պայմաններ հնձման կը փնտսեն, գործաւոր կը պակսի և բերքը հողի ազնւացման համար կ'աճի: Ամրան վերջի և աշնան սկիբի համար, չինական լուբիան դոհացուցիչ մարդախոտ մըն է: Չինական լուբիան եգիպտացորենին հետ միասին լաւ կ'աճի և երկուքը միասին կրնան արածուիլ:

Չինական լուբիան, Միացեալ Նահանգներու բամպակի և մանաւանդ եգիպտացորենի գօտիին մէջ գտնուող նահանգներու մէջ, խողերու արածման համար, յաւելուածական պատուական կեր մըն է: Այս լուբիան բակլազգի տունկ մը ըլլալով, իր ճարակումովը հողը կ'արգասաւորուի: Հատերը հասուննալէն ետքը, խողերը արածելու է: Այս խոտը խողին միւսը շատ կ'աղնւացնէ: Մանաւանդ եթէ եգիպտացորենի հետ խառն արածուին, օգուտը աւելի աչքառու կ'ըլլայ:

Միացեալ Նահանգներու եգիպտացորենի մշակութեան կեդրոն նահանգներու մէջ, ոչխարներուն չինական լուբիայով և եգիպտացորենով արածումը սովորական դարձած է: Այս երկու բոյսերուն միասին ճարակումէն, ոչխարները շատ կ'օգտուին:

Չինական լուբիան, հաւերուն համար ալ, ամրան վերջերը և աշնան սկիզները, կանանչ հիւթալից ճարակ մըն է:

ՉԻՆԱԿԱՆ ԼՈՒԲԻԱՆ ԳՓՈՒՄԻ ՀԱՄԱՐ

Չինական լուբիան, ձմրան համար, գուլիերու մէջ պահելու դրութիւնը դեռ ընդհանրացած չէ: Ասով մէկտեղ, չինական լուբիան եգիպտացորենի հետ միասին գուլիերու մէջ պահելը, 2էն 3 մաս եգիպտացորենը մէկ մաս չինական լուբիայի հետ, լաւ հաւասարակշռուած խառնուրդ մըն է գուլիի համար: Այս խառնուրդը դիւրաւ կ'ուտուի անասուններու կողմէ և կաթի ու կաթնեղէն արտադրութիւններու վրայ մեծ ազդեցութիւն ունի: Եգիպտացորենը առանձինն անհաւասարակշռուած օրապահէն մը ըլլալով, ազօթով հարուստ կերերու հետ ամբողջացնելու է: Վերջին ատեններ գուլիերու մէջ պահուած չինական լուբիան ժողովրդականութիւն շահած է և գուլիերու մէջ պահուած եգիպտացորենի վրայ իր ունեցած գերացանցութիւնը ապացուցուած է:

ՉԻՆԱԿԱՆ ԼՈՒԲԻԱՆ ԻՔՐԵԻ ԿԱՆԱՆՁ ԿԵՐ

Անասնոց համար, կանանչ կերերու կարգին, չինական լուբիան, ազօթի տեսակէտով իր հարուստ պարունակութեան պատճառով, եգիպտացորենի և կորեակի պէս ազօթով աղքատ կերերու հետ խառն գործածութեան տեսակէտով շատ կարեւոր է: Ամբողջ ամրան և աշնան, տարբեր տարբեր ժամանակներու մէջ հասնող տեսակներ տնկելու և կամ միեւնոյն տեսակը զանազան ժամանակներու մէջ մշակելու է: Չինական լուբիան երաշուութեան դէմ ալ դիմազրաւելու յատկութիւնը ունի: Իր քաղցրահամութիւնը, ինչպէս նաեւ բերքին դիւրին կիրարկումը իր արժէքը կ'աւելցնեն: Թարմ և կանանչ չինական լուբիայի կերին մէջ հարկւրին 3,1 դիւրամարս պոտէին կայ: Մինչդեռ կանանչ եգիպտացորենի կերին մէջ հազիւ հաբելւրին 1,1 կայ:

ՉԻՆԱԿԱՆ ԼՈՒԲԻԱՆ ԻՔՐ ՊԱՐՍՐ

Չինական լուբիան՝ բակլազգի ընտանիքին միւս տունկերուն նման, իր արմատին վրայ գտնուող գնդիկներու միջոցաւ, մըթնոլորտին ազօթը կ'իւրացնէ: Չինական լուբիան՝ իր արմատներու բազմաթիւ գնդիկներուն միջոցաւ, իր պարունակած ազօթին երկու երրորդէն մինչեւ երեք չորրորդը մթնոլորտէն և մնացեալը միայն հողէն կ'առնէ: Երբ չինական լուբիայի արտի մը առատ նիւթրաթի պարար տրուի, այն ժամանակ լուբիան իր ազօթին մեծագոյն մասը, փոխանակ օդէն, հողէն կ'առնէ: Չինական լուբիայի ծագոյն մասը, փոխանակ օդէն, հողէն կ'առնէ: Չինական լուբիայի բերքին, իբր կանանչ պարար արժէքը, բակլազգի ուրիշ կանանչ պարարներու հետ, նպաստաւոր կերպով կրնայ բազդատուիլ:

Չինական լուբիայի մը քաղուած բերքին, միջին հաշուով հարկւրին 10ը, իբր արմատ և խողան (stubble, աճրգ) հողին մէջ կը մնան: Արմատներով և խողաններով հողին մէջ ձգուած ազօթին մնացածը, ամերիկեան լծվար գլուխ, վեց ամերիկեան քաշ (փաունս) է և քաղուած խոտին մէջի ազօթն ալ, ամերիկեան լծվար գլուխ է և քաղուած խոտին մէջի ազօթն ալ: Ասկէ կ'երեւի թէ՝ արմատներու և խողաններու միջոցաւ, հողին մէջ ձգուած ազօթը շատ քիչ է, բայց երբ չինական լուբիան իր հատին համար քաղուելու ըլլայ, տերեւներուն մեծագոյն մասը՝ չինական լուբիայի տունկին ամբողջական կշռին մէկ երրորդը, հողին վրայ կը ձգուի:

Չինական լուբիայէն, իբր ազդեցիկ կանանչ պարար, լիուլի օգտուելու համար, ամբողջ բերքը հողին հետ խառնելու է: Ասով մէկտեղ, կարգ մը աւազային հողերու մէջ, չինական լուբիայի խարի կամ հատի մշակութեան յաջորդող բոյսերը լաւ արդիւնքներ

տուած են: խորի յատկացուած չինական լուբիայի բերքին յաջորդող ցորենը ամերիկեան լծվար գլուխ 3,5 ամերիկեան գրիւ (պուել) աւելի բերք տուած է: Երբ չինական լուբիայի բերք մը ամբողջովին հողին մէջ թաղուի, իրեն յաջորդող ցորենի բերքը, ամերիկեան լծվար գլուխ, 6,5 ամերիկեան գրիւ աւելի կուտայ: Եթէ չինական լուբիան իր պատիճներուն համար քաղուած է և հողին մէջ ձգուած են իր պատաղիճները, իրեն յաջորդող մշակութեան բերքը խոտի համար կտրուած չինական լուբիայի տալիք յաւելումէն աւելի կ'ըլլայ, բայց բերքին ամբողջովին հողին մէջ թաղումէն առաջ գալիք յաւելման չի հասնիր: Չինական լուբիայէ ետքը երբ եգիպտացորեն ցանուի, ետեւէ ետեւ եգիպտացորեն ցանուած արտէն, ամերիկեան լծվար գլուխ, 14 ամերիկեան գրիւ եգիպտացորեն աւելի կուտայ: Բոլոր բակլազգի բոյսերուն նման, չինական լուբիան ալ ցորենի, վարսակի, բամպակի և այլ մշակութեանց բերքին յաւելման կը նպաստէ: Ոչ-բակլազգի բոյսի մը յաջորդող ցորենը, իւրաքանչիւր ամերիկեան լծվարի վրայ, 9 ամերիկեան գրիւ ցորենահատիկ և 1,040 ամերիկեան քաշ յարդ կուտայ, մինչդեռ չինական լուբիայի կանանչ պարարին յաջորդող մէկ ամերիկեան լծվար ցորենի արտը 17,33 ամերիկեան գրիւ հատ և և 2,540 ամերիկեան քաշ յարդ տուած է: Հաճարը ոչ-բակլազգի բոյսէ մը ետքը 15,33 ամերիկեան գրիւ (պուել) հատ և 1,540 ամերիկեան քաշ յարդ կուտայ, մինչդեռ չինական լուբիայէ ետքը, 21,66 ամերիկեան գրիւ հատ և 2,780 ամերիկեան քաշ յարդ տուած է: Չինական լուբիայի լաւ կանանչ պարար մը ունենալու համար, զանոնք հողին մէջ թաղելէ առաջ, շատ հասունցած ըլլալու չեն: Տհաս ճիւղերն ու պարաղիճները շուտով կը փտտին և այս փտման համար հասունցած ցողուններէ պակաս կը սպառեն հողին խոնաւութիւնը: Բոյսը իր ծաղկումի աստիճանին հասած ժամանակ, ազօթին մեծագոյն մասը իւրացուցած և հողին մէջ արագօրէն փտտելու վիճակին մէջ գտնուած ըլլալուն համար, այն ժամանակ, չինական լուբիան, իբր կանանչ պարար, թաղելու է հողին մէջ:

ՉԻՆԱԿԱՆ ԼՈՒԲԻԱՅԻ ՅԱՐԴԸ

Չինական լուբիայի կամնումէն յառաջ եկած յարդը բոլոր տեսակի անասնոց համար արժէք մը ունի: Մանաւանդ, ձմրան եղանակին, կաթնտու կովերը, եզներն ու ոչխարները կերակրելու համար շատ յարմար է: Նման ուրիշ յարդերու, մի քիչ հատով կը տրուի անասուններուն: Յորենի և վարսակի յարդերէ աւելի զիւրամարս պրօսէին ունի: Գառնուկները պարարտացնելու և կաթընտու կենդանիներու կաթն ու կարագը աւելցնելու համար, չինա-

կան լուբիային յարդը, եգիպտացորենի կոթուններէն աւելի արժէքաւոր է:

Չինական լուբիայի յարդը, երբեմն ալ իբր պարար կը գործածուի, հողին վրայ սփռելով: Բայց լաւագոյնը այս յարդով անասունները կերակրել և գոյացած աղբով հողը աղբելն է: Չինական լուբիայի 1000 ամերիկեան քաշ յարդին մէջ 9 ամերիկեան քաշ ազօթ, 1,2 ամերիկեան քաշ փոսփորական թթու, և 8,9 ամերիկեան փոթաս կայ: Մինչդեռ ցորենի, վարսակի, գարիի և հաճարի յարդերուն մէջ նոյն նիւթերը յաջորդաբար 5, 5,8, 5,6, 4,8 ամերիկեան քաշ (ազօթ), 1,3, 2,1, 1,8, 2,8 ամերիկեան քաշ (փոսփորական թթու) և 7,4, 15,0, 12,0 և 7,9 ամերիկեան քաշ (փոթաս) կը գտնուին:



Չինական լուբիայի արտ մը:

ԲՈՎԱՆԴԱԿՈՒԹԻՒՆ

Էջ	Էջ
Պատմական նօթեր 3	Քաղի ժամանակը 36
Իր կլիման 5	Հնձման մեթոսներ 37
Իր հողը 5	Չորցնելու մեթոսներ 38
Իր տեսակները 6	Կամենելու մեթոսներ 34
Զինական լուբիայի յաջող բերք մը 9	Հասին յարդին հետ ունեցած համեմատութիւնը 3
Հողին պատրաստութիւնը . . 10	Զինական լուբիայի բերքները . 3
Իր պարարները 11	Զինական լուբիայի համբա- րումը 3
Պատուասում 12	Զինական լուբիայի աստիճան- ական տիպեր 3
Ցանքի ժամանակը 15	Զինական լուբիայի բեցամի միջոցները 3
Ցանքի մեթոսներ 16	Իր հիւանդութիւնները
Սերմցուին քանակը 17	Զինական լուբիային օգտագոր- ծումը իբր մարդկային սը- նունդ 4
Ցանքի խորունկութիւնը . . . 20	Զինական լուբիան իբր անա- սունի կեր 4
Մարկեղումը 20	Զինական լուբիայի իւղ 4
Զինական լուբիային փոխցանքը 22	Զինական լուբիայի չանչ 4
Զինական լուբիայի խառնուրդ մշակութիւններ 23	Զինական լուբիայի չանչը իբր պարար 5
Զինական լուբիա եւ եգիպտա- ցորեն 24	Զինական լուբիան իբր չոր խոտ 5
Զինական լուբիա եւ կովուղոռ 25	Զինական լուբիան իբր մա- գախոտ 5
Զինական լուբիա եւ սուսանա- կան մարգախոտ 25	Զինական լուբիան գփումի համար 5
Զինական լուբիա եւ կորեակ 27	Զինական լուբիան իբր կա- նանչ կեր 53
Զինական լուբիայի քաղի ժա- մանակը 27	Զինական լուբիան իբր պարար 5
Կտումի մեթոսներ 27	Զինական լուբիայի յարդը . 54
Զինական լուբիան չորցնել իբր խար 28	
Խարին հակի վերածումը . . 29	
Խարի բերքը 30	
Զինական լուբիայի հասի ար- տադրութիւն 31	



Սօյա՝

Ի՞նչ քաղցրահնչիւն բառ:

Թանկագին բոյս մը՝ ամէն առաքինութիւններ
րով օժտուած:

Առաքինի բուսազգի մը՝ նման հայ առաքինի
Յեղին:

Բնիկ՝ Ծայրագոյն Արեւելքի չքնաղ հողամա-
սին Մինչև իր հողուն խորքը, իր բլլային վեր-
ջին հիւլէն, բարիքով լեցուն ու օծուն:

Կ'արժէ որ Ծայրագոյն Արեւելքէն վերջ Մեր-
ձաւոր-Արեւելք, մասնաւորաբար մեր Հայաստան
աշխարհը ըլլար իր երկրորդ հարազատ Հայրենիքը:

Հայաստան ըլլար Սօյաշխարհ մը (Soyland) և
ոչ թէ Սոփաշխարհ մը, որուն բաղմազան արտա-
դրութիւններովը յորդէին ճիւղակայ պատմական
ամբարները:


ԿԵԴՐՈՆԱԿԱՆ ՎԱՐՁՈՒԹԻՒՆ
ՀԱՅ ԳԻՒԼԱՏՆՏԵՍԱԿԱՆԻ



Բոլոր բարիքները, որ մենք կը
վայելենք, մեակ ժողովրդի փր-
սանց վաստակն են: Ինքն մեակ
ժողովրդի զուտն են, ուստի խը-
մենք այս բաժակը մեակ ժողովրդի
կենաց: Կեցցե՛ մեակ ժողովուրդը:

Առաջին բաժականառ՝

ԽՐԻՄԵԱՆ, ԿԱԹՈՂԻԿՈՍԻ



Հասարակ ժողովուրդին համար
ուղղակի, մնացած մասին համար՝
անուղղակի, բայց եւ այնպէս
անհրաժեշտ միակ աղբիւրը ապ-
րուստի եւ հարստութեան՝ եկրա-
գործութիւնն է:

Մ. ՆԱԼԲԱՆԻՅԱՆ

(Հեղինակ «Եկրագործութիւնը որ-
պէս ուղիղ նախապահ» գրքին,):